

春秋左傳正義

六



春秋正義卷第九

莊公

莊公

國子祭酒上護軍曲阜縣開國子臣孔穎達等奉

勅撰

經十有六年春王正月夏宋人齊人衛人

伐鄭

宋主兵也班序上下以國大小為次征伐則以主兵為先春秋之常也他皆放此

疏

注宋

主至放此 正義曰往年齊桓治霸未敢即尸其任救患討罪今為宋伐鄭仍使宋自報怨故宋主兵序於齊上也諸侯會許男在曹滑之上班序上下以國大小為次不以爵之尊卑也隱五年邾人鄭人伐宋附庸在伯爵之上是以主兵為先也歷檢上下皆然知是春秋常法禮記祭義云有虞氏貴德而尚齒夏后氏貴爵而尚齒殷人貴富而

尚齒周人貴親而尚齒而春秋序會不先同姓而大國在上者孔子脩春秋有變周之文從殷之質故也 秋

荆伐鄭冬十有二月會齊侯宋公陳侯衛

侯鄭伯許男滑伯滕子同盟于幽

書會魯會之不書其

人微者也言同盟服異也陳國小每盟會皆在衛下齊桓始霸楚亦始彊陳侯介於二大國之間而為三恪之客故齊桓因而進之遂班在衛上終於春秋滑國都費河南緱氏縣幽宋地 疏 注書會至宋地 正義曰公羊傳

曰同盟者何同欲也穀梁傳曰同者同尊周也杜云服異者亦是同其欲同尊周也書同盟者當盟之時告神稱同釋例曰盟者假神明以要不信故載辭或稱同以服異為言也是言載辭稱同也二十七年同盟于幽傳曰陳鄭服也文十四年同盟于新城傳曰從於楚者服且謀邾也成五年同盟于蟲牢傳曰鄭服也七年同盟于馬陵傳曰尋



蟲牢之盟且莒服故也襄三年同盟于雞澤傳曰晉為鄭服故合諸侯二十五年同盟于重丘傳曰齊成故也昭十三年同盟于平丘傳曰齊服也如此之類皆是服異故稱同也喪服繼父不同居傳曰嘗同居乃為異居未嘗同居則不為異居春秋同盟亦猶是也嘗同盟而異乃稱服異未嘗同盟則不為服異故盟不稱同也僖二年齊侯宋公江人黃人盟于貫傳曰服江黃也定四年陳許頓胡楚之屬國皆來會于召陵其下云公及諸侯盟于臯鼫二盟並不稱同皆為未嘗同盟非服異故不稱同也應稱同而不稱同者僖五年首止之盟鄭伯逃歸七年盟于甯母鄭伯使大子華聽命於會而不稱同者鄭心未服故傳稱子華請去三族管仲曰君其勿許鄭必受盟是甯母之時鄭未服也八年盟于洮鄭伯乞盟傳稱請服也而洮盟不稱同者鄭伯始請服耳未列於會故不稱同也文十五年夏晉卻缺帥師伐蔡戊申入蔡其冬諸侯盟于扈傳稱晉侯宋公衛侯蔡侯陳侯鄭伯許男曹伯盟于扈則是蔡新來服

春秋正義卷九

二

張明

不稱同者傳稱卻缺入蔡以城下之盟而還是則蔡已先服故不稱同也宣十二年同盟于清丘傳曰恤病討貳十七年同盟于斷道傳曰討貳也成九年同盟于蒲傳曰為歸汝陽之田故諸侯貳於晉晉人懼會於蒲以尋馬陵之盟十五年同盟于戚傳曰討曹成公也十七年同盟于柯陵傳曰尋戚之盟也十八年同盟于虛打傳曰謀救宋也此六盟皆非服異稱同盟者清丘斷道與蒲於時諸侯已有二心同心討貳故稱同盟戚與虛打同心疾惡故稱同盟柯陵之盟鄭人不服欲令諸侯同心伐鄭故稱同盟猶襄十八年諸侯同心疾齊稱同圍齊自此以前陳在衛下今在上知齊桓始進之釋例班序譜自隱至莊十四年四十三歲衛與陳凡四會衛在陳上自莊十五年盡僖十七年三十五歲凡八會陳在衛上故知是齊桓進之遂班在衛上終於春秋也

### 邾子克卒

無傳

克儀父名稱子者蓋齊桓請王命以為諸侯再同盟

**疏**

注克儀至同盟正義曰此杏之會邾人在焉今而

經子故云蓋齊侯請王命以為諸侯得為子爵見經也隱元年盟于蔑相十七年盟于雒是再同盟也

傳十六年夏諸侯伐鄭宋故也鄭侵宋故鄭伯自

櫟入在十四年緩告于楚秋楚伐鄭及櫟為不禮

故也鄭伯治與於雍糾之亂者在相十五年九月殺

公子闕則強鉏二子祭仲黨斷足曰刑公父定叔出奔

衛共叔段之孫定謚也三年而復之曰不可使共叔無

後於鄭使以十月入曰良月也就盈數焉

數滿於十君子謂強鉏不能衛其足言其不能早辟害疏注

正義曰周禮司刑刑罪五百尚書呂刑刑罰之屬五百孔安國云刑足曰刑釋言云罪刑也李巡曰斷

足曰刑也說文云刑絕也則刑刑是斷絕之名斬足之罪故云斷足曰刑注數滿於十正義曰易繫辭

云天一地二天三地四天五地六天七地八天九地十至十而止是數滿於十也閔元年傳曰萬盈數也數至十則

小盈至萬則大盈傳具載定叔事者服虔云定叔之祖共叔段有伐君之罪宜世不長而云不可使共叔無後於鄭

言其刑之偏頗鄭厲公以孽篡適同惡相恤故冬同盟

黨於共叔欲令其後不絕傳所以惡厲公也

于幽鄭成也王使虢公命曲沃伯以一軍

為晉侯曲沃武公遂并晉國僖王因疏注曲沃至一

八年傳稱曲沃武公滅翼其年冬王命虢仲立晉哀侯之弟緡于晉至是乃并之也晉世家云曲沃武公伐晉侯緡

滅之盡以其寶器賂獻於周僖王僖王命曲沃武公為晉君列為諸侯於是盡并晉地而有之曲沃武公已即位三十七年矣自桓叔始封曲沃以至武公滅晉凡六十七歲而卒代晉為諸侯是僖王命之事也周禮小國一軍晉土

地雖大以初并晉國故以小國之禮命之 **初晉武公伐夷執夷詭諸**

夷詭諸周大夫夷采地名 **為國請而免之** 為國周大夫 **既而弗報**

詭諸不報施於為國 **故子國作亂謂晉人曰與我伐夷**

**而取其地** 使晉取夷地 **遂以晉師伐夷殺夷詭諸**

**周公忌父出奔虢** 周公忌父王卿士辟子國之難 **惠王立而**

**復之** 魯桓十五年經書桓王崩魯莊三年經書葬桓王自此以來周有莊王又有僖王崩葬皆不見於經

春秋正義九

四

蔣伸

傳王室微弱不能復自通於諸侯故傳因周公忌父之事而見惠王惠王立在此年之末 **疏** 注魯桓至之末

正義曰史記十二諸侯年表云莊王元年當魯桓十六年即位十五年而崩僖王元年當魯桓十三年即位五年而

崩惠王元年當魯莊十八年即位在此年傳說惠王之立者杜云傳因周公忌父之事而見惠王立在此

年之末是杜以周公忌父此年出奔至惠王立而得復與史記不違

**經十有七年春齊人執鄭詹** 齊桓始霸鄭既伐宋又不朝齊詹為

鄭執政大臣詣齊見執不稱行人罪之也行人例 **疏** 注齊

在襄十一年諸執大夫皆稱人以執之大夫賤故 **疏** 齊

相至賤故 正義曰僖七年傳曰鄭有叔詹堵叔師叔先言詹是詹最貴也且傳稱鄭不朝也以君不朝而詹被執明詹是執政大臣為不道君使朝故執之也若詹不至齊則無由被執知是詣齊見執蓋聘齊也昭八年楚人執陳

行人干徵師殺之傳曰罪不在行人也無罪乃稱行人  
不稱行人罪之也襄十一年楚人執鄭行人良霄傳曰書  
曰行人言使人也言使人者言非使人之罪也書曰者是  
仲尼新意故指以為例也執諸侯有稱人稱侯之異執大  
夫者悉皆稱人以執之為大夫賤故也劉炫以此注云詣  
齊見執釋例曰詹本非出使謂二者自相矛盾今知非者  
齊以鄭不朝而責於鄭鄭令詹詣齊謝罪齊人執之故釋  
例云元非出聘之使集解云詣齊被執二文雖異事實同  
耳劉炫不尋此意

**夏齊人殲于遂**

殲盡也齊人戍遂  
翫而無備遂人討

乃為規過非也

**疏**

注殲盡至為文  
正義曰殲盡也

正義曰殲盡也時史

而盡殺之故時史  
因以自盡為文  
釋詁文舍人曰殲眾之盡也時史  
惡其輕敵而以自盡為文罪齊戍也釋例曰齊人殲于遂  
鄭棄其師亦時史即事以安文或從赴辭故傳亦不顯明  
義例

**秋鄭詹自齊逃來**

無傳詹不能伏節守死以解  
國患而遁逃苟免書逃以賤

之

**疏**

注詹不至賤之  
昭元年叔孫豹之居位待罪也逃若匹夫逃竄故云

正義曰伏節守死以解國患當如

書逃以賤之鄭詹自齊逃  
來過魯而後歸鄭故書之

**冬多麋**

無傳麋多則害  
五稼故以災書

**疏**

注麋多至災書

正義曰麋是澤獸魯所常  
有是年暴多多則害五稼故言多以災書也

傳十七年春齊人執鄭詹鄭不朝也夏遂

因氏領氏工婁氏須遂氏饗齊戍醉而殺

之齊人殲焉

饗酒會也四族遂之彊宗  
齊滅遂戍之在十三年

經十有八年春王三月日有食之

無傳不書  
日官失之

**疏**

注不書日官失之  
正義曰經亦無朔

字當云不書朔與日注不言朔脫也

**夏公追戎**

于濟西

戎來侵魯公逐之於濟水之西

秋有蜚

蜚短狐也蓋以含沙射人為災

**疏**

注蜚短至為災 正義曰穀梁傳曰蜚射人者也洪範五行傳曰蜚如鼈三足生於南越南越婦人多淫故其地多蜚淫女惑亂之氣所生也陸璣毛詩義疏云蜚短狐也一名射景如鼈三足在江淮水中人在岸上景見水中投人景則殺之故曰射景或謂含沙射人入皮膚其創如疥服虔云偏身獲獲或或故為災沈氏云此有蜚傳重發例者以螟螣與蜚同是害禾稼 冬十月 此蜚則害人故傳特發之

傳十八年春虢公晉侯朝王王饗醴命之

宥

王之觀羣后始則行饗禮先置醴酒示不忘古飲皆宴則命以幣物宥助也所以助歡敬之意言備設皆

賜玉五穀馬三匹非禮也

雙玉為穀

王命諸侯名

春秋正義九

六

王宗

位不同禮亦異數不以禮假人

侯而與公同賜是借人禮

**疏**

注王之至備設 正義曰王饗醴命之宥者王為之設饗禮置醴酒命之以幣物所以助歡也宥助釋詁文周禮掌客王待諸侯之禮上公三饗三食三燕侯伯三饗再食再燕子男壹饗壹食壹燕三禮先言饗是王之觀羣后始則行饗禮也酒正辨五齊之名一曰泛齊二曰醴齊三曰盎齊四曰緹齊五曰沈齊鄭注云泛者成而滓浮泛泛然醴猶體也成而汁滓相將如今恬酒矣盎猶翁也成而翁翁然葱白色緹者成而紅赤沈者成而滓沈如今造清矣自醴以上尤濁然則以其尤濁故先置之示不忘古也知者禮運云燔黍捭豚下即云以燔以炙以為醴酪是醴酒在先而有故曰先置醴酒示不忘古也詩序曰鹿鳴燕羣臣嘉賓也既飲食之又實幣帛箝篚以將其厚意聘禮云若不親食使大夫朝服致之以侑幣致饗以酬幣亦如之是饗禮有酬幣也禮主人酌酒於賓曰獻賓答主人曰酢王



人又酌以酬賓曰酬謂之酬幣蓋於酬酒之時賜之幣也  
所賜之物即下玉馬是也傳稱饗醴命宥言其備設盛禮  
也此注命之宥者命在下以幣物宥助僖二十八年命晉  
侯宥注云命晉侯助以束帛以將厚意皆命不同者以彼  
有命晉侯之事故也 注雙玉為穀 正義曰倉頡篇穀  
作珏雙玉為穀故字從兩玉 注侯而至人禮 正義曰  
虢君不知何爵稱公謂為三公也周禮王之三公八命侯  
伯七命是其名位不同也其禮各以命數為節是禮亦異  
數也今侯而與公同賜是借人禮也假借同義 虢公晉  
取者假為上聲借為入聲與者假借皆為去聲

侯鄭伯使原莊公逆王后于陳陳媯歸于

京師 虢晉朝王鄭伯又以齊執其卿故求王為援皆在周倡義為王定昏陳人敬從得同姓宗國之禮故

傳詳其事 實惠后 陳媯後號惠后寵愛少子亂周室不書不告 事在僖二十四年故傳於此並正

春秋正義九

七

列昭

其後 夏公追戎于濟西不言其來諱之也 戎來

侵魯魯人不知去乃 **疏** 注戎來至其來 正義曰傳例

追之故諱不言其來 有鐘鼓曰伐無曰侵戎之來也

魯人不知宜無鐘鼓故以侵言之釋例曰戎之入魯魯人  
不知去而遠追又無其獲邊竟不備候不在疆所以為諱  
諱此君之闕亦所以 示戒將來之君也 秋有螽為災也初楚武王

克權使鬬緡尹之 權國名南郡當陽縣東南有權城鬬緡楚大夫 以叛

圍而殺之 緡以權叛 遷權於那處 那處楚地南郡編縣東南有那口城 使

閻敖尹之 閻敖楚大夫 及文王即位與巴人伐申

而驚馬其師 驚巴師 巴人叛楚而伐那處取之

遂門于楚

攻楚城門

閻敖游涌而逸

涌水在南郡華容縣閻敖

既不能守城又游涌水而走

楚子殺之其族為亂冬巴人因

之以伐楚

**疏**

關緡尹之正義曰尹訓正也楚官多以尹為名此滅權為邑使緡為長故曰

也尹

經十有九年春王正月夏四月秋公子結

媵陳人之婦于鄆遂及齊侯宋公盟

無傳公子結魯

大夫公羊穀梁皆以為魯女媵陳侯之婦其稱陳人之婦未入國略言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故冬各

**疏**

注公子至來伐正義曰公羊傳曰媵者何諸侯娶一國則二國往媵之媵不書此何以書為其有

遂事書大夫無遂事此其言遂何聘禮大夫受命不受辭出竟有可以安社稷利國家者則專之可也穀梁文雖不明其意亦為魯女左氏無傳取彼為說故云公羊穀梁皆以為魯女媵陳侯之婦穀梁傳曰其曰陳人之婦略之也以未入國略而不言陳侯夫人成九年伯姬歸于宋晉衛齊三國來媵然則為人媵者皆送至嫁女之國使之從適而行此郵是衛之東地蓋陳取衛女為婦魯使公子結送媵向衛至鄆聞齊宋為會將謀伐魯故權事之宜去其本職不復送女至衛遂與二君會盟故備書之也送女至鄆停女會盟郵是盟處故言于鄆非本期送女使至鄆也既盟之後遂不復送女其盟本非公意又失媵陳之好故至冬而三國來伐結之此盟於魯無益故無嘉善之文文八年冬十月壬午公子遂會晉趙盾盟于衡雍乙酉公子遂會維戎盟于暴四日之間不容反報亦是專命而盟患難

俱解故再稱名氏珍而貴之與此異也宣十二年宋華椒承羣僞之言以誤其國宋人被伐而貶華椒今三國代魯不貶公子結者結之為盟本欲安社稷利國家與華椒事異故不貶

夫人姜氏如莒無傳

非父母國疏注非父至書莒正義曰此既無傳不知而往書莒何為如莒婦人不以禮出為莒故曰書莒

冬齊人宋人陳人伐我西鄙無傳幽之盟魯使微者會郵之盟又

使滕臣行所以受敵鄙邊邑

傳十九年春楚子禦之禦巴人為巴人所敗大敗於津

津楚地或曰江陵縣有津鄉還鬻鬻拳弗納遂伐黃鬻鬻拳楚大闔黃嬴姓國今

弋陽敗黃師于踏陵踏陵黃地還及湫有疾東南有湫

春秋正義九

城夏六月庚申卒鬻鬻拳葬諸夕室地名亦

亦自殺也而葬於經皇經皇冢前闕生守門故死不失職初

鬻鬻拳強諫楚子楚子弗從臨之以兵懼而

從之鬻鬻拳曰吾懼君以兵罪莫大焉遂自

刖也楚人以為大閹謂之大伯若今城門校尉官使

其後掌之使其子孫常主此官君子曰鬻鬻拳可謂愛

君矣諫以自納於刑刑猶不忘納君於善

言愛君明非臣法也楚疏注黃嬴姓正義曰世本文能盡其忠愛所以興注經皇至失職正義曰鬻

拳自殺以殉當是近墓之地宣十四年傳稱楚子聞宋殺申舟投袂而起屨及於室皇劍及於寢門之外則室皇近於門外當是寢門闕也知此經皇亦是冢前闕也且此人生為大闔職掌守門明此亦是守門示死不失職也餘書無經皇之名蓋唯楚有此號也 以為大闔謂之大伯正義曰周禮天官闔人掌守王宮之中門之禁鄭立云闔人司昏晨以啓閉者刑人墨者使守門秋官掌戮墨者使守門刑者使守圜則闔不使刑而鬻拳得為闔者周禮地官之屬有司門下大夫二人掌授管鍵以啓閉國門鄭立云若今城門校尉主王城十二門此注亦云若今城門校尉官然則鬻拳本是大臣楚人以其賢而使典此職非為刑而役之其為大闔者當如地官之司門非天官之闔人亦主晨昏開閉通以闔為名焉謂之大伯伯長也為門官之長也 注言愛君明非臣法也 正義曰何休膏肓云人臣諫君非有死亡之急而以兵臨君開篡弒之路左氏以為愛君於義左氏為短故注言此以釋何休之難初

春秋正義九

十一

顧祐

王姚嬖于莊王生子穰王姚莊王之妾也姚姓子穰有

寵焉為國為之師及惠王即位周惠王莊王孫取焉

國之圃以為囿圃園也圃苑也邊伯之宮近於王宮

王取之邊伯周大夫王奪子禽祝跪與詹父田三子周大夫

而收膳夫之秩膳夫石速也秩祿也故焉國邊伯石

速詹父子禽祝跪作亂因蘇氏蘇氏周大夫相王奪其十

二邑以與鄭自秋五大夫奉子穰以伐王石速士也故不

在五大夫數不克出奔温温蘇氏邑蘇子奉子穰以奔

衛衛師燕師伐周

燕南

冬立子禚

**疏**

注圃園也圃苑

也正義曰冢宰職云園圃毓草木鄭玄云樹果菰曰圃園其樊也詩云折柳樊圃成十八年築鹿園然則圃以蕃為之所以樹果菰圃則築牆為之所

經二十年春王二月夫人姜氏如莒

無傳夏

齊大災

無傳來告以火故書天火曰災例在宣十六年

秋七月冬齊人伐

戎

無傳

**疏**注來告至六年正義曰襄九年三十年宋

大知此來告以大故書大也

傳二十年春鄭伯和王室不克

克能也

執燕仲

父

燕仲父南燕伯為伐周故

夏鄭伯遂以王歸王處于櫟

秋王及鄭伯入于鄆

鄆王所取鄭邑

遂入成周取其

寶器而還冬王子禚享五大夫樂及徧舞

皆舞六代之樂

鄭伯聞之見虢叔

叔虢公字

曰寡人聞之哀

樂失時殃咎必至今王子禚歌舞不倦樂

禍也夫司寇行戮

司寇刑官

君為之不舉

去盛

而

况敢樂禍乎奸王之位禍孰大焉臨禍忘

憂必及之盍納王乎虢公曰寡人之願

**也疏**

注燕仲父南燕伯 正義曰譜亦云南燕伯爵不  
知所出服虔亦云南燕伯爵 注皆舞六代之樂

正義曰言樂及徧舞則樂之所有舞悉周徧故知皆舞六代之樂也周禮大司樂以樂舞教國子舞雲門大卷大咸大磬大夏大濩大武鄭玄云此周所存六代之樂也傳記所說雲門大卷黃帝也大咸堯也大韶舜也大夏禹也大濩湯也大武周武王也是為六代奏黃鍾歌大呂舞雲門以祀天神奏大蕤歌應鍾舞咸池以祭地示奏姑洗歌南呂舞大磬以祀四望奏蕤賓歌林鐘舞大夏以祭山川奏夷則歌中呂舞大濩以享先祖奏無射歌夾鍾舞大武以享先祖 注去盛饌 正義曰周禮膳夫職曰王日一舉鼎十有二物皆有俎以樂侑食大喪則不舉大荒則不舉大札則不舉天地有災則不舉邦有大故則不舉鄭玄云殺牲盛饌曰舉襄二十六年傳曰古之治民者將刑為之不舉不舉則徹樂是不舉者貶膳食徹樂也

經二十有一年春王正月夏五月辛酉鄭

伯突卒

十六年與魯大夫盟于幽

秋七月戊戌夫人姜氏

薨

無傳薨寢祔姑赴於諸侯故具小君禮書之

**疏**

注薨寢至書之 正義曰經無所闕禮具可知

杜為此注者以先儒之說使莊公絕母子之親故於此明之知母子不絕下葬注亦然

冬十有二

月葬鄭厲公

無傳八月乃葬緩慢也

傳二十一年春胥命于弭夏同伐王城

鄭

相命弭鄭地

鄭伯將王自圍門入虢叔自北門入

殺王子穢及五大夫鄭伯享王于闕西辟

樂備

闕象魏也樂備備六代之樂

王與之武公之略自虎

牢以東

略界也鄭武公傳平王平王賜之自虎牢以東後失其地故惠王今復與之虎牢河南成臯縣

原伯曰鄭伯效尤其亦將有咎

原伯原莊公也言效子積

舞編

五月鄭厲公卒王巡虢守

巡守於虢國也天子省方謂之巡守

虢公為王宮于玕

玕虢地

王與之酒泉

酒泉周邑

鄭伯之享王也王以后之般鞮予之

后王后也鞮帶

而以鏡為飾也今西方羗胡猶然古之遺服

虢公請器王予之爵

爵飲酒器鄭

伯由是始惡於王

為僖二十四年鄭執王使張本

冬王歸自虢

傳言王之偏也

**疏**

注闕象魏也正義曰定二年雉門及兩觀也禮運云昔者仲尼與於蜡

賓事畢出遊於觀之上鄭玄云觀闕也釋宮云觀謂之闕郭璞云宮門雙闕周禮大宰正月之吉縣治象之法于象

魏使萬民觀治象鄭眾云象魏闕也哀三年魯災傳稱季栢子御公立于象魏之外命藏象魏曰舊章不可亡也由

此言之則觀闕象魏其事一也劉熙釋名云闕在門兩旁中央闕然為道也然則其上縣法象其狀巍巍然高大謂

之象魏使人觀之謂之觀也闕西辟者辟是旁側之語也服虔云西辟西偏也當謂兩觀之內道之西也注略界

至臯縣正義曰孟子云仁政必自經界始昭七年傳曰天子經略諸侯正封封略之內何非君土孟子經界即傳

之經略且云封略之內封是竟則知略是界也武公東鄭之始封君也言武公之略則是武公舊竟若其由來不失

不須今日復與故知後失其地惠王今復與之隱十一年王取鄆劉蕢邗之田于鄭蓋桓王之世失之也注巡守

至巡守 正義曰孟子云諸侯適天子曰述職天子適諸侯曰巡守守者守也言諸侯為天子守土天子時巡行之易稱后不省方故云天子省方謂之巡守 注后王至遺服 正義曰鞶是帶也鑑是鏡也此與定六年傳皆鞶鑑雙言則鞶鑑一物故知以鏡飾帶舉今羗胡之服以明之號公至於王 正義曰鄭伯謂厲公子文公也服虔云鞶鑑王后婦人之物非所以賜有功爵飲酒器王爵也一升曰爵爵人之所貴者言鄭伯以其父得賜不如號公為是始惡於王積而成怨僖二十四年遂執王使此為彼張本

### 經二十有一年春王正月肆大眚

無傳赦有罪也易稱

赦過宥罪書稱眚災肆赦傳稱肆眚圍鄭皆放赦罪人蕩滌眾故以新其心有時而用之非制所常故書

注赦有至故書 正義曰肆大眚者肆緩也眚過也緩縱大過是赦有罪也大罪猶赦則小罪亦赦之猶今赦書大

春秋正義

十四

楊昌

辟罪以下悉皆原免也易解卦象云雷雨作解君子以赦過宥罪解卦坎下震上震為雷坎為雨雷動雨下而萬物解散故君子以此卦象而放赦有過寬宥罪人也書稱眚災肆赦舜典文孔安國云眚過災害肆緩也過而有害當緩赦之肆眚圍鄭襄九年傳文也此諸言肆眚者皆是放赦罪人蕩滌眾故除其瑕穢以新其心也必其國有大患非赦不解或上有嘉慶須布大恩如是乃行此事故釋例曰天有四時得以成歲雷霆以振之霜雪以齊之春陽以煖之雲雨以潤之然後能相育也天且弗違而况於人乎物不可終否故受之以同人同人者與人同也解天下之至結成天下之疊疊肆大眚之謂也堯曰咨爾舜有罪不敢赦所以須待革命有時而用之非制所常故書之也杜唯言有時用之亦不知此時何以須赦穀梁傳曰肆大眚為嫌天子之葬也其意言文姜有罪不合以禮而葬若不赦不復書葬嫌天子許之明須赦而後得葬故為赦也賈逵以文姜為有罪故赦而後葬以說臣子也魯大赦國中



罪過欲令文姜之過因是得除以葬文姜杜不明說要文姜出奔之日尚稱夫人夫人之名未嘗有貶何須以赦除之此赦必不為文姜也但夫人以去年七月薨十一月則當合葬乃至此年正月經七月始葬如此遲緩必是國家有事須赦解之但

癸丑葬我小君文姜

無傳反哭成喪故稱

小陳人殺其公子御寇

宣公大子也陳人惡其殺太子之名故不稱君父以

國討公

**疏**

注宣公至子告正義曰傳言大子必是大子也僖五年晉侯殺其世子申生稱君稱世

子此不然者釋例曰古者討殺其大夫各以罪狀宣告諸侯所以懲不義重刑戮也晉侯使以殺大子申生之故來告衛殺孔達傳載其辭辭雖有臨時之狀其告則常也然則殺大夫公子當以罪狀告人此傳不說御寇之罪則陳人不以罪告而經書公子是惡殺大子之名故不稱君父以國討公子告

夏五月

**疏**

夏五月

正義曰釋例曰年之四時雖或無事必空書首月以紀時變以明歷數莊公獨稱夏五月及經四時有不具者丘明

無文皆

秋七月丙申及齊高傒盟于防

無傳高傒齊之

貴卿而與魯之微者盟齊相謙接諸侯以崇霸業

冬公如齊納幣

無傳公不使卿而親

納幣非禮也母喪未再期而圖昏二傳不見所譏左氏又無傳失禮明故

**疏**

注公不至明故正義曰釋例曰宋

公使華元來聘聘不應使卿故傳但言聘共姬也使公孫壽來納幣納幣應使卿故傳明言其得禮也是納幣當使卿公不使卿親納幣非禮也

傳二十二年春陳人殺其大子御寇

傳稱大子以實言

陳公子完與顓孫奔齊

公子完顓孫皆御寇之黨

顓孫自齊

來奔

不書非卿

齊侯使敬仲為卿

敬仲陳公子完

辭曰羈

旅之臣

羈寄也旅客也

幸若獲宥及於寬政

宥赦也

赦

其不閑於教訓而免於罪戾弛於負擔

弛去

離也

君之惠也所獲多矣敢辱高位以速官

謗請以死告

以死自誓

詩云翹翹車乘招我以

弓豈不欲往畏我友朋

逸詩也翹翹遠貌古者聘士以弓言雖貪顯命懼為

朋友所譏責

使為工正

掌百工之官

飲相公酒樂

齊相賢之故就其家

會據主人之辭故言飲相公酒

公曰以火繼之辭曰臣卜其晝

春秋正義九

十六

李信

未卜其夜不敢君子曰酒以成禮不繼以

淫義也

夜飲為淫樂

以君成禮弗納於淫仁也初

懿氏卜妻敬仲

懿氏陳大夫龜曰卜

其妻占之曰吉

懿氏妻

是謂鳳皇于飛和鳴鏘鏘

雄曰鳳雌曰皇雄雌俱飛相和而鳴鏘鏘

然猶敬仲夫妻相隨適齊有聲譽

有媯之後將育于姜

媯陳姓姜齊姓

五

世其昌並於正卿八世之後莫之與京

京大也

陳厲公蔡出也

姊妹之子曰出

故蔡人殺五父而

立之

五父陳佗也殺陳佗在相六年

生敬仲其少也周史有

以周易見陳侯者周大史也陳侯使筮之筮遇

觀三三坤下巽之否三三坤下乾上否觀曰是謂觀六四變而為否

國之光利用賓于王此周易觀卦六四爻辭易之為書六爻皆有變象又有互

體聖人隨其義而論之此其代陳有國乎不在此其在

異國非此其身在其子孫光遠而自他有

耀者也坤土也巽風也乾天也風為天於

土上山也巽變為乾故曰風為天自二至四有艮象艮為山有山之材而

照之以天光於是乎居土上山則材之所生上有乾下有坤故言

居士上照之以天光故曰觀國之光利用賓于王四為諸侯變而

之乾有國朝王之家庭實旅百奉之以玉帛天地之美

具焉故曰利用賓于王艮為門庭乾為金玉坤為布帛諸侯朝王陳贄幣之

象旅陳也百言物備猶有觀焉故曰其在後乎因觀文以博占故言

猶有觀非在己之言故知在子孫風行而著於土故曰其在異

國乎若在異國必姜姓也姜大嶽之後也

姜姓之先為堯四嶽山嶽則配天物莫能兩大陳衰此

其昌乎變而象艮故知當興於大嶽之後得太嶽之權則有配天之大功故知陳必衰及陳

之初亡也

昭八年

楚滅陳陳栢子始大於齊

栢子敬仲五世孫陳無宇

其後亡也

哀十七年

楚復滅陳成子得政

成子陳常也敬仲八世孫陳宇有禮於齊

子孫世不忘德德協於卜故傳備言其終始卜筮者聖人所以定猶豫決疑似因生義教者也尚書洪範通龜筮以同卿士之數南蒯卜亂而遇元吉惠伯荅以忠信則可臧會卜僭遂獲其應丘明故舉諸縣驗於行事者以示來世而君子志其善者

**疏**

注齊栢至公酒正義曰春秋之遠者他皆放此世設享禮以召君者皆大臣擅寵

如衛公叔文子宋栢黜之徒始為之耳為之非禮法也敬仲羈旅之臣且知禮者也必不召公臨已知是栢公賢之自就其家會也據敬仲為主人之辭故言飲公酒耳臣卜至不敢正義曰服虔云臣將享君必卜之示戒慎也此栢公自就其家非敬仲發心請享不得言將享必卜也蓋栢公告其往且乃卜之耳言未卜其夜者詩云厭厭夜

禮記卷之九

二

古句昌

飲在宗載考鄭玄二考成也夜飲之禮在宗室同姓則成於庶姓讓之則止引此敬仲之事云此之謂不成是言敬

仲非齊同姓故不敢也注龜曰卜正義曰曲禮文也周禮大卜掌三兆之法一曰玉兆二曰瓦兆三曰原兆其經兆之體皆百有二十其頌皆千有二百鄭玄云兆者灼龜發於火其形可占者其象似玉瓦原之豐鑄是用名之焉原原田也頌謂繇也每體十繇然則卜人所占之語古人謂之為繇其辭視兆而作出於臨時之占或是舊辭或是新造猶如筮者引周易或別造辭卜之繇辭未必皆在其頌千有二百之中也此傳鳳皇于飛下盡莫之與京襄十

年傳稱衛卜禦寇姜氏問繇曰兆如山陵有夫出征而喪其雄哀九年傳稱晉趙鞅卜救鄭遇水適火史龜曰是謂沈陽可以興兵利以伐姜不利子商三者皆是繇辭其辭並韻則繇辭法當韻也郭璞撰自所卜事謂之辭林其辭皆韻習於古也注雄曰至聲譽正義曰釋鳥云鷗鳳

其雌皇郭璞云瑞應鳥說文云鳳神鳥也天老曰鳳之象

也鴻前麇後蛇頸魚尾鶴頰鴛思龍文龜背燕頰雞喙五色備舉出於東方君子之國翱翔四海之外過崑崙飲柱濯羽弱水莫宿丹穴見則天下大安寧從鳥凡聲鳳飛則羣鳥從之以萬數故古文鳳作朋字山海經云丹穴之山有鳥焉其狀如鶴五采而文名曰鳳皇首文曰德翼文曰順背文曰義膺文曰仁腹文曰信是鳥也飲食則自歌自舞是說鳳皇之狀也鳳皇雄雌俱飛喻敬仲夫妻相隨鏘鏘鳴之聲故以喻有聲譽也 五世至與京 正義曰五世其昌言其始昌盛也並於正卿位與卿並得為上大夫也莫之與京謂無與之比大言其位最高也五世八世當是卜兆之間有其象傳言其占之辭不言其知之意固非後學所得詳之 注姊妹之子曰出 正義曰釋親云男子謂姊妹之子為出言姊妹出嫁而生子也 注周大史也 正義曰直言周史知是大史者周禮大史掌書昭二年傳稱韓宣子觀書於大史氏此以周易見陳侯故知是大史也以周易見者自以知周易見陳侯言已明易能筮故陳侯使之筮也 注著曰筮 正義曰曲禮文也其揲著目求卦之法則易繫辭具焉 遇觀之否 正義曰此注坤下巽上觀坤下乾上否及六四爻變諸如此輩皆據周易之文知之劉炫規過云觀之否者為觀卦之否爻屯之比者屯卦之比爻皆不取後卦之義今刪定以為不然何者以閔元年畢萬筮仕遇屯之比云屯固比入僖十五年晉獻公筮嫁伯姬得歸妹之睽云士刲羊亦無宜歸妹上六爻辭又云歸妹睽孤寇張之弧睽之上九爻辭又云歸妹之睽猶無相也昭五年明夷之謙云明夷于飛垂其翼又云謙不足飛不翔此之等類皆取前後二卦以占吉凶今人之筮亦皆如此故賈服及杜並皆同焉劉炫苟異前儒好為別見以規杜氏非也沈云遇者不期而會之名筮者所得卦之吉凶非有宿契逢遇而已故謂之遇劉炫云下體坤坤為地為眾上體巽巽為風為木互體有艮艮為門闕地上有木而為門闕宮室之象宮室而可風化使天下之眾觀焉故謂之觀也下體坤坤為地上體乾乾

為天天不下降地不上騰天地不通其氣上下否塞故謂之否也 是謂至子孫 正義曰觀國之光利用賓于王二句周易文也此先云不在此其在異國後云非此其身在其子孫所以在下覆結先云其在後乎後云在異國者其在異國之下更欲演說異國是大嶽姜姓其言稍多且須以結末故進其在後乎於上先解之也庭實旅百以下方解利用賓于王則上句故曰觀國之下未須賓王之句而再言利用賓于王者蓋以觀國之光即是朝王之事直言觀光於文不足故連言賓王但未解賓王之義故於下更重解之傳稱引詩斷章則引易論事亦未必如本此言觀國之光謂所為筮者觀他人有國之光榮也此有國之人利用為賓客於王朝也其意言見其子孫有國作賓於王家耳非其身也代陳有國言代陳正適子孫有其國家陳滅此興是代之也 注此周至論之 正義曰易之為書撰著求爻重爻為卦爻有七八九六其七八者六爻並皆不變卦下惣為之辭名之曰彖彖者才也惣論一卦之才德若乾元亨利貞之類皆是也其九六者當爻有變每爻別為其辭名之曰象象者像也指言一爻所像若乾初九潛龍勿用之類皆是也不變者聚而為彖其變者散而為象計每於一卦當畫兩體但以此爻陰陽既同唯變否有異且每爻異辭不可爻作二畫從上可知故不畫二也傳之筮者指取易義不為論卦丘明不畫卦也諸為注者皆言上體下體若其畫卦示人則當不煩此注注亦不畫卦也今書有畫卦者當是後之學者自恐不識私畫以備忘遂傳之耳每爻各有象辭是六爻皆有變象二至四三至五兩體交互各成一卦先儒謂之互體聖人隨其義而論之或取爻象或取互體言其取義無常也 光遠至耀者也 正義曰易稱觀國之光故解其光義言光在此處遠照於他物從他物之上而有明耀者也謂光能遠照於他物有明故下云照之以天光是也 於土上山也 正義曰六四之爻位在坤上坤為土地山是地之高者居於土上是為土上山也又巽變為乾六四變為九四從二至四

互體有艮之象艮為山故言山也 有山至于王 正義曰  
曰山則材之所生此人有山之材言其必大富也上天以  
明臨下照之以天光言天子臨照之也於是乎又居於上  
上既富矣而被天照又復居有土地是為國君之象也易  
位四為諸侯變而為乾乾為天子是有國朝王之象故曰  
觀國之光利用賓于王 庭實至于王 正義曰觀禮侯  
氏執圭見王王受圭禮成乃出又入行其禮獻國之所有  
此說行享禮也旅陳也庭之所實陳有百品百品言物備  
也奉之以玉帛謂執玉帛而致享禮也神天之照有地之  
材天子賜之土田國君獻國所有天地之美備具焉朝王  
之儀畢足矣故曰利用賓于王 正義曰玉帛為玉物備 正義曰  
易說卦艮為門闕乾為金玉坤為布帛故以玉帛為庭傳  
言庭實故改言艮為門庭耳此言諸侯執三圭 貢幣之象  
者謂陳之以行享禮也觀禮侯氏執三圭 貢幣之象  
帛加璧庭實唯國所有鄭云云 禮記云三圭皆束  
侯廟中將幣皆三享其禮送三 禮記云三圭皆束  
或曰用虎豹之皮其次享三牲魚膳 禮記云三牲皆束  
漆絲纊竹箭也其餘無常貨此 禮記云三牲皆束  
有分為三享皆以璧帛致之禮器云云 禮記云三牲皆束  
魚膳四海九州之美味也邊豆之薦四時之氣也內金  
示和也束帛加璧尊德也龜為前列先也金次之見情  
也丹漆絲纊竹箭與眾共財也其餘無常貨言以其國之  
所有則致遠物也郊特牲曰旅幣無方所以別土地之宜  
而節遠邇之期也龜為前列先也鐘次之以和居參  
之也虎豹之皮示服猛也束帛加璧尊德也鄭玄觀禮之  
注所言出於彼也杜言贄幣即鄭所謂璧帛也此奉之以  
玉帛執以致庭實耳其玉帛不入王也觀禮侯氏致享執  
至致命王撫之而已不受之也又曰侯氏降授宰幣是庭  
實之幣皆庭受之唯馬受之於門外耳旅陳釋詁文也百  
者言其物備也 注因觀至子孫 正義曰以卦名觀禮  
因觀文以博占也觀者視他之辭此賓王之事若所為  
者身自當有則不應觀他此卦猶有觀焉觀非在

春秋正義

吳省

其人觀他有之故知其子孫也 風行而著於土 義曰服虔云巽在坤上故為著土也 一曰巽為風得為風吹木實落去更生他土而長育是為在異國 注姜姓至四嶽 正義曰周語稱堯命禹治水共之從孫四嶽佐之昨四嶽國命為侯伯賜姓曰姜氏曰有呂賈達云共共工也從孫同姓末嗣之孫四岳官名大岳也主四岳之祭焉然則以其主嶽之祀尊之故稱大也 注變而至必衰正義曰六四爻變為九四與二共為艮象艮為山故知興於山嶽之國姜姓大岳之後知其將育于姜地之高者莫過於山詩云崧高維嶽駿極于天言其大能至天故山嶽則配天也且乾在上艮在下亦是山嶽配天之象此人子孫養於大嶽之後官尊位貴得大嶽之權則其功德有配天之天然天子其功配天今縱得大嶽之權唯諸侯耳言配天者以其功大故甚言之物莫能兩大此有與兆故知陳必衰也 注相子至無字 正義曰史記田完世家完卒謚為敬仲仲生穉孟夷夷生湑孟莊莊生文子須無文

春秋左傳卷九

卷九

卷九

子生相子無字是為敬仲五世孫也 注成子至放此正義曰沈氏云世家相子生武子啓及僖子乞乞卒子常代之是為田成子是於敬仲為七世言八世者據其相代在位為八世也成子弒簡公專齊政是莫之與大也成子生襄子磐磐生莊子白白生大公和和遷齊康公於海上和立為齊侯和孫威王稱王四世而秦滅之作傳之時字之子孫已盛故傳備言其終始也世家云敬仲之如齊以陳字為田氏左傳終始稱陳田必非敬仲所改未知何時改耳左傳之初至此始有卜筮故杜於此通說之曲禮曰卜筮者先聖王之所以使民決嫌疑定猶與也是先王立之本意也因而生義教謂教人以行義行善則德協於上行惡則遇吉反凶必以行義乃可卜也洪範曰汝則有大疑謀及乃心謀及卿士謀及庶人謀及卜筮謀及卿士而以上筮同之是通龜筮以同卿士之數也南蒯卜為亂不信則不可臧會卜為僭不信乃遂吉二事相反故特引之言卜筮應人行也南蒯在昭十二年臧會在昭二十五年



南蒯筮而言卜者卜筮通言耳杜引洪範者欲明龜筮必神靈故云以同卿士之數言龜筮所見纔與卿士同耳又引南蒯者明吉凶由行不由卜筮欲使人脩德行不可純信卜筮也又引臧會者吉凶亦由卜筮不可專在於行欲使人敬卜筮也故丘明舉縣驗於行事者以示來世脩德行敬龜筮言驗於行事者南蒯則行驗而龜筮不驗臧會則行不驗而龜筮驗言君子志其善者遠者善者謂勸人脩德行敬龜筮是也遠者謂舉其大綱勸人為善長久遠道非有臨時應驗此遠者即上善者言其事謂之善指其教謂之遠劉炫云計春秋之時卜筮多矣之明所載唯二十許事舉其縣驗於行事者其不驗者不載之君子之人當記其忠之善者知之遠者他皆廢此

### 經二十有三年春公至自齊無祭叔來聘

無傳穀梁以祭叔為祭公來聘魯天子內注穀梁至臣不得外交故不言使不與其得使聘疏使聘正

義曰諸言聘者皆言某侯使某來聘此不言使左氏無傳故取穀梁為說穀梁傳云其不言使何也天子之內臣也不正其外交故不與使也然則言內臣不與使必是畿內之國畿內之國非唯祭耳傳不言為祭來聘社言為祭公來聘者但祭叔連祭為文必是祭人虞叔是虞公之弟此祭叔或是祭公之弟故以為為祭公來聘天子內臣不得外交諸侯故不言使不與其得使聘也魯受其聘行其禮故書聘耳二十五年陳女叔來聘喜之故不名此無可嘉亦稱叔者杜意叔為名夏公如齊觀社齊因祭為字無以可知故不明言

實故公疏注齊因至觀之正義曰魯語說此事云夫往觀之齊棄太公之法而觀民於社孔晁云聚民於

社觀戎器也襄二十四年傳稱楚子使遠啓疆如齊齊社蒐軍實使客觀之知此亦然故公往觀之釋例曰凡公出朝聘奔喪會葬皆但書如不言其事此春秋之常然則喪葬常事故不書觀社非常故特書公至自

齊無傳荆人來聘

無傳不書荆子使其來聘君臣同辭者蓋楚之始通未成其禮

**疏**

注不書至其禮

正義曰釋例曰楚之君臣最多混錯此乃楚之初興未閑周之典禮告命之辭自生同異楚武王

熊達始居江漢之間然猶未能自同列國故稱荆敗蔡師荆人來聘從其所居之稱而摠其君臣是言楚之始通未

成其禮之意言君臣同辭者此云荆人來聘是臣來也僖二十一年楚人使宜申來獻捷言使則是君也而經亦書

楚人是君

公及齊侯遇于穀

無傳

蕭附庸國叔名就穀朝公故不言來

凡在外朝則禮不得具嘉禮不野合

**疏**

注蕭附至野合正義曰無爵而

稱朝知是附庸國也郊儀父貴之乃書字此無所貴知叔為名也公羊傳曰其言朝公何公在外也文連遇于穀是

就穀朝公穀是齊地故不言來也定十四年大蒐于比蒲邾子來會公比蒲魯地故言來也穀梁傳曰朝於廟正也

春秋正義九

二十四

何昇

於外非正也是言在外行朝則禮不得具定十年傳稱嘉樂不野合知嘉禮亦不野合嘉禮謂善禮非五禮之嘉也

朝於五禮屬賓

秋丹相公楹

相公廟也楹柱也

冬十有一月曹伯

射姑卒

無傳未同盟而赴以名

十有二月甲寅公會齊

侯盟于扈

無傳扈鄭地在滎陽卷縣西北

傳二十三年夏公如齊觀社非禮也曹劌

諫曰不可夫禮所以整民也故會以訓上

下之則制財用之節

貢賦多少

朝以正班爵之美

帥長幼之序征伐以討其不然

不然不用命

諸侯

有王從王王有巡守省四以大習之大習會非

是君不舉矣君舉必書書於書而不法後

嗣何觀疏夫禮至不然正義曰夫禮者所以整理

會聚所謀皆是尊王室脩臣禮故會以訓上下之則以諸

侯事天子訓在下事其君也於會必號令諸國出貢賦多

少即是制財用之節度也禮使小國朝大國是朝以正班

爵之等義也爵同則小國在下是帥長幼之次序也諸侯

之序以爵不以年此言長幼謂國大小也沈氏云爵同者

據年之長幼故云帥長幼之序不朝不會則征討之故言

征伐以討晉相莊之族偪相叔莊伯之子孫獻公

其不然患之士蔦曰去富子則羣公子可謀也已

士蔦晉大夫富子公曰爾試其事士蔦與羣公

二族之富強者子謀譖富子而去之以罪狀誣之同族惡其富強

親為譖則似信離其骨肉則秋丹相宮之楹

黨弱羣公子終所以見滅經二十有四年春王三月刻相宮桷刻鏤也

將逆夫人故為盛飾疏鏤木謂之刻刻木鏤金其事相類故以刻

為鏤也桷謂之椽椽即椽也穀梁傳曰刻桷非正也夫人

從王

省四

大習會

書於

夫禮至不然

正義曰夫禮者所以整理

天下之民民謂

庶貴賤者皆是也

諸侯

會聚所謀皆是尊王室脩臣禮故會以訓上下之則以諸

侯事天子訓在下事其君也於會必號令諸國出貢賦多

少即是制財用之節度也禮使小國朝大國是朝以正班

爵之等義也爵同則小國在下是帥長幼之次序也諸侯

之序以爵不以年此言長幼謂國大小也沈氏云爵同者

據年之長幼故云帥長幼之序不朝不會則征討之故言

征伐以討

其不然

士蔦晉大夫富子

二族之富強者

親為譖則似信離其骨肉則

黨弱羣公子終所以見滅

春秋正義卷九

二十五

許貴

**疏**

注刻鏤至盛飾 正義曰釋器云金謂之

葬曹日莊

公無夏公如齊逆女

無傳親

**疏**

注親逆禮也 正義曰公羊傳

曰何以書親迎禮也親逆是正禮有故得使卿逆亦無譏也 **秋公至自齊**無傳八月

**丁丑夫人姜氏入**與公俱入蓋以孟任故丁丑入而

朝廟 **疏**注哀姜至朝廟正義曰公羊傳曰其言入何難也其難奈何夫人不可使入與公有所

約然後入唯言有所要不知要何事故云蓋以孟往故也明日戊寅大夫宗婦覲用幣夫人若未朝廟不得受臣覲

禮知明日乃朝廟既朝乃見大夫宗婦杜言朝廟者為覲用幣發也書入不書至者釋例曰莊公顧割臂之盟崇寵

孟任故即位二十三年乃娶元妃雖丹楹刻桷身自納幣而有孟任之嫌故與姜氏俱反而異入經所以不以至禮

也 **書** **戊寅大夫宗婦覲用幣**宗婦同姓大夫之婦禮小君至大夫執贄

以見明臣子之道莊公欲奢夸夫人故使大夫宗婦同贄俱見 **疏**注宗婦至俱見正義曰襄二年葬齊姜

傳稱齊侯使諸姜宗婦來送葬諸姜是同姓之女知宗婦是同姓大夫之婦也禮小君至大夫執贄以見明臣子之

道禮亦無此文士相見禮稱大夫始見于君執贄夫人尊與君同臣始為臣有見君之禮明小君初至亦當有禮以

見也且傳唯譏婦贄不宜用幣不言覲之為非知其禮當然也大夫當用羔鴈用幣亦為非禮也莊公欲奢夸夫人

故使男女同贄惡其男女無別且譏僭為失禮故書之 **大水**無傳 **冬戎侵曹**無傳

**曹羈出奔陳**無傳羈蓋曹世子也先君既葬而不稱爵者微弱不能自定曹人以名赴

**疏**注羈蓋至名赴正義曰此事左氏穀梁並無傳公羊以曹羈為曹大夫三諫不從而出奔杜以此經書

曹羈出奔陳赤歸于曹與鄭忽出奔衛突歸于鄭其文相類故附彼為之說稱蓋為疑辭微弱不能自定曹人以名

赴亦如鄭 **赤歸于曹**無傳赤曹僖公也蓋 **疏**注赤曹忽之出奔 **為戎所納故曰歸**至曰歸

正義曰史記曹世家與年表皆云僖公名夷三家經傳有五而皆言赤杜以鄭突類之知赤是曹君故以赤為僖公書有舛誤何必史記是而杜說非也傳例曰諸侯納之曰歸以戎侵曹而赤歸故云蓋為戎所納也賈逵以為羈是曹君赤是戎之外孫故戎侵曹逐羈而立赤亦以意言之無所據也

**郭公** 無傳蓋經闕誤也自曹羈以下公羊穀梁之說既不了又不

**疏** 注蓋經至采用 正義曰公羊穀梁並以赤歸于曹郭公連文為句言郭公名赤失國而歸于曹是為說不了故不采用

傳二十四年春刻其桷皆非禮也 并非丹楹故言皆

御孫諫曰臣聞之儉德之共也侈惡之大

也 御孫魯大夫 先君有共德而君納諸大惡無乃

不可乎 以不丹楹 刻桷為共 **疏** 注并非丹楹故言皆 正義曰大夫倉士黹丹楹非禮也注云黹聖黑色黹黃色又曰禮天子之桷斷之龔之加密石焉諸侯之桷斷之龔之大夫斷之士斷本刻桷非正也加密石注云以細石磨之晉語云天子之室斷其椽而龔之加密石焉諸侯龔之大夫斷之士首之言雖小異要知正禮楹不丹楹不刻故云皆非禮也

秋哀姜至公使宗婦覲用幣非禮也 傳不言大夫 唯舉非常 御孫曰男執贄

大者玉帛 公侯伯子男執玉諸侯 世子附庸孤卿執帛 小者禽鳥 卿

羔大夫執 鴈士執雉 以章物也 章所執之物別貴賤 女執贄不過榛栗

棗脩以告虔也 榛小栗脩脯虔敬也 皆取其名以示敬 今男女曰

執實是無別也男女之別國之大節也而由

夫人亂之無乃不可乎

**疏**

注傳不至非常義曰士相見禮云下

大夫相見以鴈上大夫相見以羔如士相見之禮始見於君執摯鄭玄云士大夫一也如彼禮文大夫始見於君用羔鴈始見夫人亦當然然則大夫用幣亦非常而以大夫為常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣丘明為諫發傳故唯舉非常也左傳諸為諫者或言諫曰或不言諫意在載辭不為例也注公侯至執帛正義曰周禮大宗伯職云公執相圭侯

執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其君則下其君之禮一等未誓則以皮帛繼子男公之孤四命以皮帛眡小國之君是諸侯世子與孤卿執帛也附庸雖則無

春秋正義九

二十八

黃卷上

文而為一國之主來則謂之為朝未有爵命不合執玉明與世子同執帛也且哀七年傳稱禹合諸侯於塗山執玉帛者萬國附庸是國明執帛者附庸也鄭玄周禮注云皮帛者束帛而表以皮為之飾皮虎豹皮帛如今璧色繒也周禮以王作六瑞以禽作六摯則瑞摯有異而此傳玉帛同言摯者鄭玄曲禮注云摯之言至也當謂執之見人以表至誠也典瑞注云瑞節信也禮天子執冒以見諸侯諸侯執圭璧以朝天子天子以冒冒之以為信故以瑞為名皮帛以下無此合信之事故以摯為名其實皆以表至誠故傳通以摯言之凡摯皆以爵不以命數也注卿執至

執雉正義曰周禮大宗伯職文也鄭玄云羔取其羣而不失其類鴈取其候時而行雉取其守介而死不失其節鷩取其不飛遷鷩取其守時而動曲禮曰飾羔鴈者以續言天子之臣飾羔鴈以布又畫之諸侯之臣飾以布不畫之自雉以下無飾注榛小至示敬正義曰曲禮云婦人之摯棋榛脯脩棗栗鄭玄云婦人無外事見以羞物也

椶木名椶枳也有實今邳剡之東食之椶實似栗而小鄭又注周禮腊人云薄析曰脯捶之而施薑桂曰鍛脩然則脩脯大同故以脩為脯也虔敬釋詁文皆取其名以示敬者先儒以為栗取其戰栗也棗取其早起也脩取其自脩也唯椶無說蓋以椶聲近虔取其虔於事也

晉士蔦為又與群公子謀

使殺游氏之二子

游氏二子亦相莊之族

士蔦告晉侯曰

可矣不過二年君必無患

經二十有五年春陳侯使女叔來聘

女叔陳卿女氏

夏五月癸丑衛侯朔卒

無傳惠公也書名十年與內大夫盟于

幽六月辛未朔日有食之鼓用牲于社

鼓伐也

用牲以祭社傳例曰非常也



注鼓伐至常也云用牲于郊牛二如此之類言用牲

正義曰尚書召誥

者皆用之以祭知此用牲以祭社也鼓之所用必是伐之代理可見故不言伐被牲不言用則牲無所施於文不足故言用牲傳稱正月之朔慝未作日有食之於是乎用幣于社伐鼓于朝正月謂周六月也此經雖書六月社以長歷校之此是七月七月用鼓非常月也鼓當于朝而此鼓于社非其處也社應用幣而於社用牲非所用也一舉而有三失伯姬歸于杞無傳不書逆秋大水鼓用

牲于社于門

門國門也傳例曰亦非常也



注門國門也正義曰祭法云天子

立七祀諸侯立五祀其門皆曰國門知此門亦國門國門謂城門也傳稱天災有幣無牲非日月之眚不鼓則鼓與牲二事皆失故譏之冬公子友如陳無傳報女叔之聘諸魯出朝聘皆書如不果彼國必

成其禮故不稱朝聘春秋之常也公子友莊公之母弟稱  
公子者史策之通言母弟至親異於他臣其相殺害則稱  
弟以示義至於嘉好之事兄弟篤睦非例所興或稱  
弟或稱公子仍舊史之文也母弟例在宣十七年



注報女至七年 正義曰魯出朝聘多有在道復者假令  
得到彼國尚不知受之以否故皆書如如者往也直言往  
彼而已不果彼國必成其禮故不稱朝聘為春秋之常也  
僖二十八年公朝于王所朝訖乃書故即稱為朝此公子  
友莊公之母弟也於莊世稱公子昭元年陳公子招陳哀  
公母弟也於哀世稱公子故解之稱公子者史策之通言  
也釋例曰庶弟不得稱弟而母弟得稱公子秦伯之弟鍼  
適晉女叔齊曰秦公子必歸此公子亦國之常言得兩通  
之證也是言公子母弟得通言之意也釋例又曰兄而害  
弟則稱弟以章元罪弟又害兄則去弟以罪弟身統論其  
義兄弟二人交相殺害各有曲直存弟則示兄曲也是言  
其相殺害則稱弟以示義也釋例又曰若夫朝聘盟會嘉

春秋正義

三十

許誅

好之事此乃兄弟之篤睦非義例之所興故仍舊史之策  
或稱弟或稱公子踐土之盟叔武不稱弟此其義也案經  
相三年齊侯使其弟年來聘十四年鄭伯使其弟語來盟  
成十年衛侯之弟黑背帥師侵鄭彼皆稱弟季友陳招並  
稱公子俱無褒貶所稱不同知是史文之  
異不為義例仲尼無所見義故仍舊史耳

傳二十五年春陳女叔來聘始結陳好也

嘉之故不名 季友相魯原仲相陳二人有舊故女叔  
來聘季友冬亦報聘嘉好接備卿以字

為嘉則稱 夏六月辛未朔日有食之鼓用牲  
名其常也

于社非常也 非常鼓之月長歷推之辛未實  
七月朔置閏失所故致月錯 唯正

月之朔慝未作 正月夏之四月周之六月謂正陽  
之月今書六月而傳云唯者明此



月非正陽月也也 日有食之於是乎用幣于社伐

鼓于朝日食歷之常也然食於正陽之月則諸侯用幣于社請救於上公伐鼓于朝退而自責以明陰

不宜侵陽臣不宜注非常至月錯 正義曰此及文掩君以示大義

**疏**

十五年昭十七年皆書六月朔日

有食之昭十七年傳稱祝史請所弗幣昭子許之平子禦之曰止也唯正月朔慝未作日有食之於是乎有伐鼓用幣禮也其餘則否大史曰在此月也經書六月而史言在此月則知傳言正月之朔慝未作者謂此周之六月夏之

四月也文十五年傳直說天子諸侯鼓幣異禮不言非常知彼言六月直六月也此亦六月而云非常下句始言唯

正月之朔有用幣伐鼓之禮明此經雖書六月實非六月故云非常鼓之月長歷推此辛未為七月之朔由置閏失

所故致月錯不應置閏而置閏故使七月為六月也釋例曰莊二十五年經書六月辛未朔日有食之實是七月朔

非六月故傳云非常也唯正月之朔有用幣伐鼓明此食非用幣伐鼓常月因變而起歷誤也文十五年經文皆同

春秋正義九

三十一

李斌

而更復發傳曰非禮者明前傳欲以審正陽之月後傳發例欲以明諸侯之禮此乃聖賢之微旨而先儒所未喻也

劉炫云知非五月朔者昭二十四年五月日有食之傳云日過分而未至此若是五月亦應云過分而未至也今言

慝未作則是已作之辭故知非五月案二十四年八月丁丑夫人姜氏入從彼推之則六月辛未朔非有差錯杜云

置閏失所者以二十四年八月以前誤置一閏非是八月以來始錯也

注正月至陰氣 正義曰昭十七年傳大史論正月之事云當夏四月是謂孟夏知正月是夏之四月周之六月也詩云正月繁霜鄭玄云夏之四月建巳純

陽用事是謂正月為正陽之月慝惡也人情愛陽而惡陰故為陰為惡故云慝陰氣也未作謂陰氣未起也

注日 食至大義 正義曰古之歷書亡矣漢興以來草創其術三統以為五月二十三分月之二十而日月交會近世為

三統以為五月二十三分月之二十而日月交會近世為

歷者皆以為一百七十二日有餘而日一食是日食者歷之常也古之聖王因事設戒夫以昭昭大明照臨下土忽爾職亡俾晝作夜其為怪異莫斯之甚故立求神請救之禮責躬罪己之法正陽之月陽氣尤盛於此尤盛之月而為弱陰所侵故尤忌之社是上公之神尊於諸侯故用幣于社請救於上公伐鼓于朝退而自攻責也日食者月揜之也日者陽之精月者陰之精日君道也月臣道也以明陰不宜侵陽臣不宜揜君以示大義也昭二十九年傳曰故有五行之官是謂五官實列受氏姓封為上公祀為貴神社稷五祀是尊是奉故社以社為上公之神

**水鼓用牲于社于門亦非常也**失常禮 **凡天災**

**有幣無牲**天災日月食大水也 **非日月之生且不**

**鼓**音猶災也月侵日為書陰陽逆 **疏**注天災至牲也正義曰傳言亦

春秋正義

三十二

卷之

非常亦上日食也但日食之鼓非常月伐鼓于社非常禮大水用牲亦非常禮俱是非常故亦前也傳既亦前即登凡例知天災之言兼日食大水也天之見異所以謹告人君欲令改過脩善非為求人飲食既遇天災隨時即告唯當告請而已是故有幣無牲若乃亢旱歷時霖雨不止然後禱祀羣神求弭災沴者設禮以祭祭必有牲詩雲漢之篇美宣王為旱禱請自郊徂宮無所不祭云靡神不舉靡愛斯牲是其為旱禱祭皆用牲也祭法曰埋少牢於泰昭祭時也相近於坎壇祭寒暑也王宮祭日也夜明祭月也幽祭祭星也雩祭祭水旱也鄭玄云凡此以下皆祭用少牢寒暑不時則或禳之或祈之是說祈禱之祭皆用牲注書猶至鼓之正義曰易稱是謂災眚書稱眚災肆赦是眚災相類故云書猶災也月侵日為書陰犯陽為逆逆順之事賢聖所重故見其逆事而特鼓之此據日食為說耳傳稱日月之眚日月並言則月食亦有鼓周禮大僕職云凡軍旅田役贊王鼓救日月亦如之是日食月食皆有

鼓也穀梁傳曰天子救日置五麾陳五兵五鼓諸侯置三麾陳三鼓三兵大夫擊門士擊柝左氏雖無傳義或然也

晉士蔦為使羣公子盡殺游氏之族乃城聚

而處之聚晉冬晉侯圍聚盡殺羣公子卒如士蔦為之計

經二十有六年春公伐戎無傳夏公至自伐

戎無傳曹殺其大夫無傳不稱名非其罪例在文七年秋公會宋

人齊人伐徐無傳宋序齊上主兵冬十有二月癸亥朔

日有食之無傳疏注不稱至七年正義曰文七年傳稱書曰宋人殺其大夫不稱名

衆也且言非其罪由是仲尼新意變例也

春秋正義九

三十三

將信

傳二十六年春晉士蔦為大司空大司空卿官夏士

蔦為城絳以深其宮絳晉所都也今平陽絳邑縣疏注大司空卿官正

義曰傳於比年以來說士蔦為為獻公設計晉國以安今又言大司空明任以卿位也直言司空者是大夫即司空亞

旅皆受一命之服是也晉自文公以後世為盟主征伐諸國卿以軍將為名司空非復卿官故文二年司空士穀非

卿也雖則非卿職掌不異成十八年傳曰右秋虢人侵行幸為司空使脩士蔦之法是其典事同也秋虢人侵

晉日冬虢人又侵晉為傳明年晉將伐虢張本此年經傳各自言其事者或經是直

文或策書雖存而簡牘散落不究其本末故傳不復申解但言傳事而已疏注為傳至而已正義曰此年傳

不解經經傳各自言事伐戎日食體例已舉或可經是直文不須傳說曹殺大夫宋齊伐徐或須說其所以此去丘

亡遠或是簡牘散落不復能知故耳上二十年亦  
不解經彼經皆是直文故就此一說言下以明上

經二十有七年春公會杞伯姬于洮伯姬莊公女洮

**疏**注伯姬莊公女正義曰上二十五年始歸于杞莊公無母而此來寧知是莊公女也會女非常故

於此言女夏六月公會齊侯宋公陳侯鄭伯

同盟于幽秋公子友如陳葬原仲原仲陳大夫原氏仲

字也禮臣既卒不名故稱字季友違禮**疏**注原仲至知

會外大大葬具見其事亦所以知譏正義曰

玉藻記云士於君所言大夫沒矣則稱謚若字相二年穀

梁傳曰子既死父不忍稱其名臣既死君不忍稱其名是

禮臣卒不名陳人不稱冬杞伯姬來傳例曰歸寧莒慶

來逆叔姬無傳慶莒大夫叔姬莊公女卿杞伯來朝

無傳杞稱伯者蓋為時王所黜公會齊侯于城濮無傳城濮衛地將討衛也**疏**

注杞稱至所黜正義曰相二年杞侯來朝十二年公會

杞侯莒子盟于曲池自爾以來不見經傳從此稱伯終於

春秋故云蓋為時王所黜於時周王當相莊僖惠不知何王黜之

傳二十七年春公會杞伯姬于洮非事也

非諸侯天子非展義不巡守天子巡守所以宣布德義諸侯

非民事不舉卿非君命不越竟夏同盟于幽陳鄭服也二十二年陳亂而齊納敬仲二十五年鄭文公之四年獲成於楚皆有二心於

齊今始服也**疏**注二十至服也 正義曰比年以來陳鄭無不服之狀此言其服故注者原之二十一年

鄭厲公卒二十五年是鄭文公之四年也文十七年傳稱鄭子家與趙宣子書云文公四年二月壬戌為齊侵蔡亦

獲成於楚是二十五年既與楚平故至此始服也秋公子友如陳葬原仲

非禮也原仲季友之舊也冬祀伯姬來歸

寧也寧問父母安否凡諸侯之女歸寧曰來出曰來

歸歸不反夫人歸寧曰如某出曰歸于某**疏**

凡諸至于某 正義曰釋例曰歸寧者女子既嫁有時而歸問父母之寧否父母沒則使卿歸問兄弟也出者謂犯

七出而見絕者也歸者有所往之稱來者有所反之言故嫁謂之歸而寧謂之來見絕而出則以來歸為辭來而不

反也如某者非終安之稱歸于某者亦不反之辭是解其文異之意也此祀伯姬來寧也宣十六年郊伯姬來歸出

也文九年夫人姜氏如齊歸寧也魯之夫人無被出者文十八年夫人姜氏歸于齊雖子死自去歸而不反亦出之

類故與出同文晉侯將伐虢士蒍曰不可虢公驕若

驟得勝於我必棄其民棄民不養之無眾而後

伐之欲禦我誰與夫禮樂慈愛戰所畜也

夫民讓事樂和愛親哀喪而後可用也上之使民

以義讓哀樂為本言不可力強虢弗畜也亟戰將饑言虢不畜義讓而力戰

**疏**夫禮至用也 正義曰禮樂慈愛謂國君教民民間有此四者畜聚此事然後可與人戰故云戰所畜也

士為既言其自更以其義覆之禮尚謙讓讓事謂禮也樂以和親樂和謂樂也慈謂愛之深也愛親謂慈也愛極然後哀喪哀喪謂愛也民間

有此事四事然後可用以戰 王使召伯廖賜齊侯命 召伯廖王卿士 賜命為侯伯 且請伐衛以其立子積也 立子積在十九

年 疏 注召伯至侯伯 正義曰召伯稱爵如是王之卿 士召康公之封召也當在西都畿內釋例曰扶風

雍縣東南有召亭也春秋時召伯猶是召公之後西都既已賜秦則東都別有召地不復知其所在僖二十八年傳

稱王命尹氏及王子虎策命晉侯為侯伯則知此賜齊侯命者亦賜命為侯伯也彼注云周禮九命作伯則此亦九

命之伯謂九州之長為二伯也僖元年傳曰凡侯伯救患分災討罪禮也注云侯伯州長也彼主說齊相之事亦謂

九州之長非州牧也言州長者兼見州牧之事耳 春秋正義九 楊暹

經二十有八年春王三月甲寅齊人伐衛

衛人及齊人戰衛人敗績 齊侯稱人者諱取賂而還以賤者告不地

者史 疏 注齊侯至失之 正義曰傳稱齊侯而經書人失之 知其諱取賂以賤者告也詩美僖公之伐淮夷

得其元龜象齒大賂南金襄十一年傳稱晉侯伐鄭受鄭之賂告于諸侯皆不以為諱而此諱之者彼服罪致賂乃

以得賂為榮此舍罪受賂故以受之為恥會于稷舍宋督取郟鼎亦此之類也戰皆書地此獨不地知是史失之也

莊十年公羊傳曰戰不言伐圍不言戰入不言圍滅不言入書其重者左氏無此義而泓韓鞏邲令狐河曲鄆陵城濮大棘彭衙長岸柏舉之屬皆書戰不書伐此書伐又書

戰襄十八年諸侯同圍齊言圍不言伐文十五年晉卻缺伐蔡戊申入蔡書伐又書入丘明無文杜不為說皆是從

告而書史有詳略無義例也此經既言齊人伐衛不言齊

及衛戰而言衛人及齊人戰者公羊以為伐人者為客被  
伐者為主以主及客故使衛人主齊尋案經傳令狐河曲  
大棘彭衙長岸泓韓之屬皆以主及客也乾時升陞及鞏  
皆魯與人戰以魯為主城濮鄆陵與邲外楚而內晉也柏  
舉內蔡而外楚也被伐  
為主或如公羊之說  
夏四月丁未邾子瑣

卒無傳未同盟秋荆伐鄭公會齊人宋人

救鄭冬築郟郟魯下邑傳**疏**注郟魯至曰築

上邑為下故云魯下邑成十八年築鹿囿傳曰書不時也  
此傳唯發城築之例不言時與不時者春秋重土功無備  
而興作者傳每事各言時與不時以別有所備禦如書早  
雩之列過雩也其有所畏懼而興作者唯一發而已襄十  
九年城西郭傳曰懼齊也是其事也此年大無麥禾時歲  
饑虛恐或侵伐故築之以備難從西郭之例故不發傳也

大無麥禾書於冬者五穀畢入**疏**注書於至書也

夏禾成在秋而書於冬者計食不足而後摠書之此年不  
言水旱而得無麥禾者服虔曰陰陽不和土氣不養故禾  
麥不成也傳言饑而經不書者得齊之糴救民之急不至  
於饑也傳言饑者指未糴之前說告糴之意故言饑也

臧孫辰告糴于齊臧孫辰魯大夫**疏**臧孫至于齊

云買穀曰糴告糴者將貨財告齊以買穀魯語云文仲以  
曾圭與玉磬如齊告糴曰不腆先君之敝器敢告滯積以  
紓執事齊人歸其玉而與之糴公羊傳曰何以不稱使以  
為臧孫辰之私行也君子之為國也必有三年之委一年  
不孰告糴譏也穀梁亦然據經魯臣出使例不言使何以  
當怪此也傳言告糴禮也必不得如二傳之說服虔云不  
言如重穀急辭以其情急於糴故不言如齊告糴乞師則  
情緩於穀故云如楚乞師  
注臧孫至文仲  
正義曰世

本孝公生僖伯彊彊生哀伯達達生伯  
氏餅餅生文仲辰辰是臧僖伯曾孫

傳二十八年春齊侯伐衛戰敗衛師數之

以王命取賂而還晉獻公娶于賈無子賈姬

也 承於齊姜齊姜武公妾 生秦穆夫人及大子

申生又娶二女於戎大戎狐姬生重耳大戎唐叔

子孫列在戎狄者 小戎子生夷吾小戎允姓之戎子也 晉伐驪戎

驪戎男女以驪姬驪戎在京兆新豐縣其君姬姓其爵男也納女於人曰女歸

生奚齊其娣生卓子驪姬嬖欲立其子賂

外嬖梁五與東關嬖五姓梁名五在閨闈之外者東關嬖五別在關塞

者亦名五皆大夫為獻公所嬖幸視聽外事 使言於公曰曲沃君之

宗也曲沃桓叔所封先君宗廟所在 蒲與二屈君之疆也蒲今平陽

縣二屈今平陽北屈縣或云二當為北 不可以無主宗邑無主則

民不威疆場無主則啓戎心戎之生心民

慢其政國之患也若使大子主曲沃而重

耳夷吾主蒲與屈則可以威民而懼戎且

旌君伐旌章也伐功也 使俱曰狄之廣莫於晉為



都晉之啓土不亦宜乎

廣莫狄地之曠絕也即謂  
浦子北屈也言遣二公子

出都之則晉方當大開土界獻  
公未決故復使二五俱說此美

晉侯說之夏使大

子居曲沃重耳居蒲城夷吾居屈羣公

子皆鄙鄙邊邑唯二姬之子在絳二五卒與驪

姬譖羣公子而立奚齊晉人謂之二五耦

二耦相耦廣一尺共起一伐  
言二人俱共舉傷晉室若此

**疏**

注大戎至狄者正義  
曰晉語云狐氏出自唐

叔狐伯行之子實生重耳又曰狐偃其舅也注小戎至  
女也正義曰昭九年傳稱晉率陰戎伐潁王使辭於晉

曰先王居禱栢于四裔故允姓之姦居于瓜州知戎為允  
姓也凡言子者通男女也知子謂女也二戎相對為大小

春秋正義九

三十九

徐有

也楚令尹子元欲蠱文夫人

文王夫人息媯也  
于元文王弟蠱惑

以淫事為館於其宮側而振萬焉

振動也  
萬舞也

夫人

聞之泣曰先君以是舞也習戎備也今令

尹不尋諸仇讎而於未亡人之側不亦異

乎尋用也婦人既  
寡自稱未亡人御人以告子元

御人夫人  
之侍人

子元

曰婦人不忘襲讎我反忘之秋子元以車

六百乘伐鄭入于桔柣之門

桔柣鄭遠  
郊之門也

子元

關御彊鬪梧耿之不比為旆

子元自與三子侍  
建旆以居前廣充

幅長尋曰旒  
繼旒曰旒

闕班王孫游王孫喜殿

三子在後  
為反禦

眾車入自純門及達市

純門鄭外郭門也  
達市郭內道上市縣

門不發楚言而出子元曰鄭有人焉

縣門施  
於內城

門鄭示楚以間暇故不閉城門出  
兵而效楚言故子元畏之不敢進諸侯救鄭楚師

夜遁鄭人將奔桐丘

許昌縣東北  
有桐丘城

謀告曰楚

幕有烏乃止

謀間也  
幕帳也

疏

蠱文夫人 正義曰昭元  
年傳稱周易女惑男謂之

蠱知蠱謂惑以淫事 注枯扶至門也 正義曰此已入  
一門矣又云入自純門又是入一門矣復言縣門不發則

更有一門矣不發是城門則知純門外郭門枯扶遠郊門  
也尚書費誓序云東郊弗開是郊有門也 注子元至曰

春秋正義九

四十

餘

旒 正義曰軍行之次旒最在先故宣十二年傳稱令尹  
南轅反旒是旒居前而殿在後也釋天云緇廣充幅長尋

曰旒繼旒曰旒郭璞云旒帛全幅  
長八尺旒帛續旒末為燕尾者

冬饑臧孫辰告糴

于齊禮也

經書大無麥禾傳言饑傳又先書饑在築  
郟上者說始糴經在下須得糴嫌或諱饑

故曰築郟非都也凡邑有宗廟先君之主曰

都無曰邑邑曰築都曰城

周禮四縣為都四井為  
邑然宗廟所在則雖邑

曰都尊之也言凡  
邑則他築非例

疏

注周禮至非例 正義曰周禮小  
司徒職云九夫為井四井為邑四

邑為丘四丘為甸四甸為縣四縣為都注引此者以證都  
大邑小耳經傳之言都邑者非是都則四縣邑皆四井此

傳所發乃為小邑發例大者皆名都都則悉書曰城小邑  
有宗廟則雖小曰都無乃為邑邑則曰築都則曰城為尊

宗廟故小邑與大都同名釋例曰若邑有先君宗廟雖小曰都尊其所居而大之也然則都而無廟固宜稱城城漆是也而潁氏唯繫於有先君之廟患漆本非魯邑因說曰漆有邾之舊廟曩使魯人尊邾之廢廟與先君同非經傳意也又解傳言凡邑則主為邑言則他築非例也若築臺築冢圍築王姬之館則皆稱為築無大小之異

### 經二十有九年春新延廡

傳例曰書不時言新者皆舊物不可用更

造之

**疏**

注傳例至之辭 正義曰馬之所處謂之廡延是廡之名名之曰延其義不可知也公羊傳曰

新延廡者何脩舊也謂舊廡敝壞不可因而補治故言新為更造之辭也傳言新作延廡而經無作字僖二十年新作南門定二年新作雉門及兩觀皆言新作而此獨無作是作傳之後轉寫闕文也釋例曰言新意所起言作以興事通謂興起功役之事摠而言之不復分別因舊而與造新也經書延廡稱新而不言作傳言新作延廡書不時也

此稱經文而以不時為譏義不在作也然尋傳足以知經闕作字也而劉賈云言新有故木言作有新木延廡不書作所用之木非公命也凡諸興造固當有新固當有因今為春秋微義直記別此門此觀有新木故木既已鄰近且材木者立廡之具也公命立廡則眾用皆隨之矣焉有所用之木非公命也此為匠人受命立廡而盜共其用豈然

### 夏鄭人侵許

傳例曰無鐘鼓曰侵

### 秋有蜚

傳例曰為災

### 冬十

### 有二月紀叔姬卒

無傳紀國雖滅叔姬執節守義故繫之紀賢而錄之

### 城

### 諸及防

諸防皆魯邑傳例曰書時也諸非備難而興作傳皆重云時以釋之他皆放此諸今城陽諸縣

**疏**

城諸及防 正義曰此言城諸及防文十二年城諸及鄆定十四年城莒父及宵襄十年傳晉師城梧及

制同時城一邑者皆言及穀梁傳曰以大及小也何休云諸君邑防臣邑言及別君臣之義賈逵云言及先後之辭

杜不為注先  
後之辭是也

傳二十九年春新作延廡書不時也

經無作  
字蓋闕

凡馬日中而出日中而入

日中春秋分也治廡當  
以秋分因馬向入而脩

之今以春作  
故曰不時

**疏**

注日中至不時  
正義曰中者謂日之  
長短與夜中分故春秋二節謂之春分

秋分也釋例曰春秋分而晝夜等謂之日中凡馬春分百  
草始繁則牧於坳野秋分農功始藏水寒草枯則皆還廡

此周典之制也今春而作廡已失  
民務又違馬節故曰書不時也

夏鄭人侵許凡師

有鐘鼓曰伐

聲其

無曰侵

鐘鼓

輕曰襲

掩其  
不備

**疏**

凡師至曰襲  
正義曰釋例曰侵伐襲者師旅討罪  
之名也鳴鐘鼓以聲其過曰伐寢鐘鼓以入其竟曰

春秋正義九

四十二

顧祐

侵掩其不備曰襲此所以別興師用兵之狀也然則春秋  
之出兵加於人唯此三名擊鼓斬木俱名為伐鳴鐘鼓聲  
其罪往討伐之若擊鼓斬木然侵者加陵之意寢其鐘鼓  
潛入其竟往侵陵之襲者重衣之名倍道輕行掩其不備  
忽然而至若披衣然立此三名制討罪之等級也周禮大  
司馬掌九伐之法賊賢害民則伐之負固不服則侵之天  
子討罪無掩襲之事唯侵伐二名名與禮合而禮更有七  
名馮弱犯寡則眚之暴內陵外則壇之野荒民散則削之  
賊殺其親則正之放弑其君則殘之犯令陵政則杜之內  
外亂鳥獸行則滅之彼謂王者行兵此據當時實事時無  
其事則傳不為例其滅  
與入為例故不列於此

秋有蜚為災也凡物不為  
災不書冬十二月城諸及防書時也凡土功

龍見而畢務戒事也

謂今九月周十一月龍星  
角亢晨見東方三務始畢

戒民以土功事  
**火見而致用**  
大火心星次角亢見者致築作之物  
**水昏正而**

**栽**  
謂今十月定星昏而中於是樹板幹而興作  
**日至而畢**  
日南至微陽始動故土功息

**疏**  
凡土至而畢正義曰釋例曰都邑者人之聚也國家之藩衛百姓之保鄣不固則敗不脩則壞故雖不

臨寇必於農隙備其守禦無妨民務傳曰龍見而畢務戒事也謂夏之九月周之十一月龍星角亢晨見東方於是納其禾稼三務始畢而戒民以土功事也火見而致用大火星次角亢而晨見於是致其用也水昏正而栽謂夏之十月定星昏而中於是樹板幹而興作焉日至而畢謂日既南至微陽始動故土功息傳既顯稱凡例而書時書不時各重發者皆以別無備而興作如書旱雩之別過雩也若城西郭傳特曰懼齊此其意也然則此發例者止謂預脩備禦非有當時之急故擇間月而為之若當時交急則不拘此制畢者竟也畢務謂農務竟而民間也日至而畢

謂土功竟也冬至之後當更脩來年農事不得復興土功也注謂今至功事正義曰今之九月則季秋也月令

季秋之月日在房漢書律歷志論星之度數云角十二亢九氏十五自角之初至房初三十六度晨謂夜之將且於晨之時日體在房故角亢見在東方也東方之宿盡為龍星角即蒼龍角也故角亢專得龍名戒謂令語之也春夏秋三時之務始畢民將闕暇故預令語民將有土功之事使自備也注大火至之物正義曰襄九年傳曰心為

大火星度心五尾十八月令孟冬之月日在尾自心初至於尾末二十三度十月之初心星次角亢之後而晨見東方也致築作之物謂板榦杗諸是城之所用皆致之於作所也注謂今至興作正義曰五行北方水故北方

之宿為水星言水昏正者夜之初昏水星有正中者耳非北方七宿皆正中也詩云定之方中作于楚宮釋天云營室謂之定孫炎云定正也天下作宮室者皆以營室為正周語曰營室之中土功其始是定星昏而正為土功之大

候故知水昏正謂十月定星昏而正中時也鄭立詩箋云定星昏中而正謂小雪時小雪十一月之中氣月令仲冬之月昏東壁中室十六度日行一度是十月半而室中十一月初而壁中禮記中庸云栽者培之栽者樹立之語故知樹板榦而起首興作也釋詁云榦榦也舍人曰榦正也築牆所立兩木也榦所以當牆之兩邊郭土者也然則榦在牆之兩端當樹立之即榦是也榦則在兩邊郭土即板是也板榦既異而云樹板榦者因類連言耳

**樊皮**

**叛王**

樊皮周大夫樊其采地皮名

經三十年春王正月夏次于成

無傳將卑師少故直言次

齊將降郭故設備

**疏**

注將卑至設備正義曰於例將卑師少稱人他國可言某人魯事不得自稱魯人故魯之大夫使出者皆言其所為之事而已此大夫帥師而次于成故直

正義曰

四十四

何昇

言次也穀梁傳曰次止也有畏也欲救郭而不能是為降郭故設備也

秋七月齊人降

**郭**

無傳郭紀附庸國東平無鹽縣東北有郭城小國孤危不能自固蓋齊遂以兵威脅使降附

**疏**

注郭紀至降附正義曰公羊穀梁傳並不郭紀之遺邑也釋例曰劉賈依二傳以為郭紀之遺邑計紀侯去國至此二十七年紀侯猶不堪齊而去則邑不得獨存此蓋附庸小國若郭郭者也是言郭為附庸之意不言郭降于齊而云齊人降郭又不言侵伐故云蓋以兵威脅使降附

八月癸亥葬紀叔姬

無傳以賢錄也無臣子故不作謚

九月庚午朔日有食之鼓用

牲于社

無傳

冬公及齊侯遇于魯濟

濟水歷齊魯界在齊

界為齊濟在魯界為魯濟蓋魯地

**疏**

注濟水至魯地正義曰釋例曰濟水自滎陽卷縣東經陳留至濟

陰北經高平東平至濟北東北經濟南至樂安博昌縣入海案高平東平魯西界也濟南樂安齊竟內也指言魯濟故疑魯地遇于齊人伐山戎山戎北狄

傳三十年春王命虢公討樊皮夏四月丙

辰虢公入樊執樊仲皮歸于京師楚公子

元歸自伐鄭而處王宮欲遂盡文夫人鬪射師諫則

執而梏之射師鬪廉也足秋申公鬪班殺子元

申楚縣也楚僭號縣尹皆稱公鬪穀於菟為令尹自毀其家以

紓楚國之難鬪穀於菟令尹子疏注射師至曰梏正義曰杜此注

春秋正義九

四一五

何昇

與譜並以射師與鬪廉為一又不知何據也服虔云射師若敖子鬪班也射師鬪梏不言舍之何以得殺子元也知

射師與班必非一人也杜譜以為鬪射師若敖子鬪班若敖孫周禮掌囚上罪梏拳而桎中罪桎梏下罪梏梏拳共

文拳施於手知梏亦手也鄭玄亦云在手曰桎在足曰梏是先儒同此說也易大畜六四童牛之梏牛云梏者牛雖

無手謂梏前足也冬遇于魯濟謀山戎也以其病燕

故也齊桓行霸故欲為燕謀難燕國今薊縣

經三十有一年春築臺于郎無傳刺奢且非土功之時夏

四月薛伯卒無傳未同盟築臺于薛無傳薛魯地六月

齊侯來獻戎捷傳例曰諸侯不相遺俘捷獲也獻奉上之辭齊侯以獻捷禮來故書

以示秋築臺于秦無傳東平范縣西北有秦亭冬不雨無傳不書

早不為災例疏注傳例至示過正義曰捷勝也戰勝而有獲獻其所獲故以捷為獲也釋例

曰歸者遺也獻者自下奉上之稱遺者敵體相與之辭傳曰諸侯不相遺俘齊侯楚人失辭稱獻失禮遺俘故因其

來辭見自卑也以其大甲故書以示過此經言獻捷傳言遺俘則是獻捷獻囚俘也襄八年邢丘之會傳稱鄭伯獻

捷于會又曰獲司馬變獻于邢丘是獻俘謂之捷也襄二十五年鄭公孫舍之帥師入陳傳稱司空致地司徒致民

是不以俘囚歸也亦云子產獻捷于晉然則無囚而獻其功空有器物亦稱捷也

傳三十一年夏六月齊侯來獻戎捷非禮

也凡諸侯有四夷之功則獻于王王以警

春秋正義卷九

四十六

平倚

于夷以警懼中國則否諸侯不相遺俘雖夷秋俘

猶不以相遺

經三十有二年春城小穀小穀齊邑濟北穀城縣城中有管仲井大

都以名通者疏注小穀至繫國正義曰傳稱為管仲則不繫國知是齊邑管仲所食采邑也吳滅州來

晉滅下陽如此之類皆不繫國知大都以名通者則不繫國也華亥向寧入于宋南里以叛南里非大都不得以名

通故繫之宋耳賈逵云不繫齊者世其祿然則彼不繫者豈甘世其祿乎夏宋公齊侯遇

于梁丘齊善宋之請見故進其班秋七月癸巳公

子牙卒牙慶父同母弟僖叔也飲酖而死不以罪告八故得書卒書日者公有疾不責公不與小斂



月癸亥公薨于路寢

路寢正寢也公薨皆書其所詳凶變

**疏**

注路寢至

凶變正義曰公羊傳曰路寢者何正寢也喪大記曰男子不死於婦人之手婦人死於男子之手君夫人卒于

路寢鄭玄云言死必於正處也是薨于路寢得其正也言詳凶變者釋例云詳內事謹凶變

冬十月

己未子般卒

子般莊公大子先君未葬故不稱爵不書殺諱之也

**疏**

注子般至諱之

也正義曰傳稱公疾問後於叔牙若已有大子則不應須問當問之時似未有大子也季友以死奉般酖殺叔牙

蓋於爾時始命為大子公薨而般立知其為大子也子惡之死也直書子卒不書名此子般及子野皆書名者釋例

曰公子惡魯之正適嗣位危喪則魯君也襄仲倚齊而弑之國以為諱故不稱君若言君之子也及子般子野或見

殺或不勝喪言罪則不足成貶為卒而滅性故直略而書卒也又曰未成君而卒若君未葬則嗣子書名在喪之禮

也既葬則嗣君諒闇羣臣復言危喪則成君也文公既葬襄仲殺惡及視書曰子卒與未成君同文所以為諱也如

杜此言未葬之前生則直稱為子死則書曰子某卒猶外諸侯生稱其爵死書其名以為禮之常也既葬則嗣子成

君以理而卒當稱公薨全成君也子惡父既葬魯人諱其弑不得稱君其實已葬不得從子般子野未葬之例故書

子卒而不稱名以示似未成君其實已成為君上不得同閔公下不得同般野故直書為子繫之於父若言君之子

也公羊以為君存稱世子君薨稱子某既葬稱子踰年稱公據子般子野卒似欲當然但左氏稱宋桓公卒未葬而

襄公會諸侯故曰子即發例曰凡在喪公侯曰公子慶子是未葬稱子傳之明文不得如公羊說也

公子慶

父如齊

無傳慶父既殺子般季友出奔國人不與故懼而適齊欲以求援時無君假赴告之禮而行

狄伐邢

無傳邢國在廣平襄國縣

**疏**

狄伐邢注無傳正義曰明年有傳而言無者明年自為

管仲之言發端耳非說此  
年伐邢之事故言無傳

傳三十二年春城小穀為管仲也公感齊桓之德故為

管仲城私邑齊侯為楚伐鄭之故請會于諸侯楚伐

鄭在二十八年謀為鄭報楚宋公請先見于齊侯夏遇于梁

丘秋七月有神降于莘有神聲以接人莘號地惠王問諸

內史過曰是何故也內史過周大夫對曰國之將興

明神降之監其德也將亡神又降之觀其

惡也故有得神以興亦有以亡虞夏商周

春秋正義九

四十八

蔣仲

皆有之亦有神異王曰若之何對曰以其物享

焉其至之日亦其物也享祭也若以甲乙日至祭先脾玉用蒼服上青

以此類祭之王從之內史過往聞號請命聞號請於神求賜土

田之命反曰號必亡矣虐而聽於神神居莘六

月號公使祝應宗區史嚚享焉神賜之玉

田祝大祝宗宗人史大史應區嚚皆名史嚚曰號其亡乎吾聞之

國將興聽於民政順民心將亡聽於神求福於神神聰

明正直而壹者也依人而行唯德是與號多涼德

其何土之能得

涼薄也為僖二年晉滅下陽傳

**疏**

注有神至虢地正義曰易稱神

也者妙萬物而為言者也雖復鬼神之神亦無形象可見今言神降則人皆聞知故知有神謂有神聲以接人也吳孫權時有神自稱王表言語與人無異而形不可見今此神降于莘蓋亦王表之類神者氣也當在天上今下接人故稱降也國語說此事稱內史過對王云昔昭王娶於房曰房后實有爽德協於丹朱丹朱馮身以儀之生穆王焉若由是觀之其丹朱之神乎下說神居莘而虢公請土內史過往聞虢請命知莘是虢地 虞夏商周皆有之 正義曰國語內史過曰夏之興也祝融降於崇山其亡也回祿信於黔隧商之興也禱杙次於丕山其亡也夷羊在牧周之興也鸞鷲鳴於岐山其衰也杜伯射宣王於鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞案虞書夔說舜樂所致非神降也必其傳會尚書以為得神以興則虞

春秋正義九

四十九

蔣仲

舜得神以亡者又安在也

注享祭至祭之

正義

曰此降莘之神非祀典所載神必須祭故內史過令以其

物享之其物不知所謂更以至日釋之謂此神初降之日

以其至日之物也月令春其日甲乙夏其日丙丁中央土

其日戊己秋其日庚辛冬其日壬癸所用之物月令具有

其文注引甲乙所用舉一隅也丙丁日至祭用肺玉服皆

赤也戊己日至祭用心玉服皆黃也庚辛日至祭用肝玉

服皆白也壬癸日至祭用腎玉服皆玄也 神居莘六月

正義曰國語稱惠王十五年神降于莘年表惠王元年是

魯莊公之十八年則此年惠王十五年也上云七月神降

則今年七月降也居莘六月虢公使祝史享焉則今年十

二月也內史過往已聞虢請命則過至虢亦十二月也傳

先說王事使了後論虢事以終內史之言故文倒耳 神

聰至能得 正義曰國語曰耳目心之樞機也故必聰和

而視正聰和則聰視正則明然則所謂聰明者不聽淫辭不視邪人之謂也襄七年傳曰正直為正正曲為直言正

者能自正直者能正人曲而壹者言其一心不二意也依人而行謂善則就之惡則去之號多薄德神所不依其何土之能得言賜之土田必虛妄也若神所不依則不應賜土而言神賜之土田者神厭其人不告以實猶晉獻公筮以驪姬為夫人驪姬為夫人亦云吉耳初公築臺臨黨氏黨氏魯大夫築臺不書不告廟

見孟孟任從之闕孟任黨氏女闕不從公而以夫人言許之

許以為夫人割臂盟公生子般焉魯大夫女公子子般妹講于梁氏女

公子觀之專祭天也講肄也梁氏圉人掌自牆外

與之戲圉人掌養馬者以慢言戲之子般怒使鞭之公曰不

如殺之是不可鞭蓋覆也稷門魯南城門走而自投接其屋之橫反覆門上有力焉能投蓋于稷

門蓋覆也稷門魯南城門走而自投接其屋之橫反覆門上公疾問後於叔牙

對曰慶父材蓋欲進其同母兄問於季友對曰臣以

死奉般季友莊公母弟故欲立般公曰鄉者牙曰慶父材

成季使以君命命僖叔待于鍼巫氏成季季友也鍼巫氏

魯大夫使鍼季醜之醜鳥名其羽有毒以畫酒飲之則死曰飲此則

有後於魯國不然死且無後飲之歸及達

泉而卒立叔孫氏達泉魯地不以罪誅故得立後世其祿八月癸

亥公薨于路寢子般即位次于黨氏即喪位次會也

冬十月己未共仲使圉人犖賊子般于黨

氏共仲成季奔陳出奔不書國立閔公閔公莊公庶子於是

年八歲從之闕正義曰服虔云從之言欲與通也

祀上天故雩亦祭天也文四年傳曰臣以為肄業及之也

肄謂習業故講為肄注圉人掌養馬者正義曰周禮

蓋覆至門上正義曰穆門為魯南城門蓋時人猶以名

之故知也投蓋者謂自投其身以蓋物故以為走而自投

反覆門上劉炫規過云公言犖有力焉如杜此說勁捷耳

非有力也當謂投車蓋過於穆門今知不然者周禮車蓋

以物帛為之輕而帆風非可投之物且傳直云投蓋于穆

門不云過穆門明知目投反覆穆門之上今時猶然且游

楚超乘而出女曰子南夫也則勁捷之人亦是勇力之事

劉君以勁捷非力而規杜氏非也注酖烏至則死正

義曰說文云鳩毒鳥也一名運日廣雅云鳩烏雄曰運日

雌曰陰諧廣志曰鳩烏形似鷹大如鷄毛黑喙長七八寸

黃赤如金食蛇及椽實常居高山巔晉語諸公讚云鳩烏

食蝮以羽翮櫟酒水中飲之則殺人舊制鳩不得渡江有

春秋正義卷第九

鄉貢進士馮嗣祖校勘

哀姜以二十四年八月始入娣必與適俱行當以二十五年生子故云八歲

春秋正義卷第十

國子祭酒上護軍曲阜縣開國子臣孔穎達等奉

勅撰

閔公

**疏**

正義曰魯世家閔公名開莊公之子惠王十六年即位杜世族譜云名啓方漢景帝諱啓啓開因是而亂杜譜云啓方從世本文謚法在國逢難曰閔是歲歲在大梁

經元年春王正月齊人救邢夏六月辛酉

葬我君莊公秋八月公及齊侯盟于落落姑

落落姑齊地

季子來歸

季子公子友之字季子忠於社稷為國人所思故賢而字之齊侯許

春秋正義十

徐作

納故

**疏**

注季子至曰歸 正義曰季是友之字也子者男子之美稱國人賢而思之得其還魯喜而呼

曰季子來歸史因其言而書之傳稱請復季友齊侯許之是得齊之力齊侯許納故曰歸也

冬齊仲

孫來

仲孫齊大夫以事出疆因來省難非齊侯命故不稱使也還使齊侯務寧魯難故嘉而字之來者事

實省難其志也故經但書仲孫之來而傳尋仲孫之志

**疏**

注仲孫至之志 正義曰傳稱仲孫湫則名湫

而字仲孫也杜言以事出疆或使向他國因來省魯難非齊侯命之使來來而不稱君命故不言齊侯使也諸侯之

卿例當書名此人還國使齊侯務寧魯難明年即有高子來盟是齊侯用其言魯人知其事不書其名嘉而字之杜

云稱字嘉之則仲孫是字猶楚之孫伯或亦以孫為字也來者身來至魯是事實也省難心自省之是其志也雖志

在省難不告魯人云已省其難故經據實事但書仲孫之來傳尋仲孫之志言其來省難也

傳元年春不書即位亂故也國亂不狄人伐

邢狄伐邢在管敬仲言於齊侯曰戎狄豺

狼不可厭也敬仲管夷吾諸夏親暱不可棄也

諸夏中國也暱近也宴安酖毒不可懷也以宴安比之酖毒詩云

豈不懷歸畏此簡書詩小雅也文王為西伯勞來諸侯之詩簡

書同惡相恤之謂也同恤所惡請救邢以從簡

書曰齊人救邢戎狄至簡書正義曰戎狄之

當伐戎狄也諸夏之國皆親近之人不可遺棄也言其當

救邢也宴安自逸若酖毒之藥不可懷戀也言其當自勞

也詩小雅出車之篇美文王勞來諸侯令賢臣出使此臣

在外思歸而以王事自勉言我豈不思歸乎誠思歸也但

畏此簡書來告急耳諸侯有事則書之於簡遣使執簡以

告命告則須救故畏而不歸也此簡書者同有所惡則相

憂之謂也請救邢以從簡書傳稱勤則不匱安則敗名齊

侯縱心宴安不欲征伐安則自損其身故言酖毒以勸之

釋獸云豺狗足郭璞云脚似狗說文云豺狼屬狗聲釋獸

又云狼牡獾牝狼舍人曰牡名獾牝名狼陸璣毛詩義疏

云狼鳴能小能大善為小兒啼聲以誘人去數十步其猛

健者雖善用兵者不能免也二者皆貪殘之獸故比戎狄

也注敬仲管夷吾正義曰敬謚謚法夙夜勤事曰敬

仲字管氏夷吾名也注諸夏至近也正義曰此言諸

夏襄四年傳魏絳云諸華必叛華夏皆謂中國也中國而

謂之華夏者夏大也言有禮儀之大有文章之華也暱近

釋詁文舍人曰暱戚之近也

言中國諸侯情親而路近

夏六月葬莊公亂故

是以緩十一月乃葬秋八月公及齊侯盟于落姑

請復季友也閔公初立國家多難以季子忠賢故請霸王而復之齊侯許

之使召諸陳公次于郎以待之非師旅之事故不書次

季子來歸嘉之也冬齊仲孫湫來省難湫

孫書曰仲孫亦嘉之也仲孫歸曰不去慶

父魯難未已時慶父亦已還魯公曰若之何而去之

對曰難不已將自斃斃踣也君其待之公曰

魯可取乎對曰不可猶秉周禮周禮所以

本也臣聞之國將亡本必先顛而後枝葉

從之魯不棄周禮未可動也君其務寧魯

難而親之親有禮因重固能重能固則當就成之疏注

重至成之正義曰服虔云重不可動因其不可動而堅固之杜以此傳四句相類間攜貳攜貳皆間之覆昏亂昏

亂皆敗之知此重固皆因之則非因重而固之閒攜貳離而相疑者則當因而閒之覆

昏亂覆敗也霸王之器也霸王所用故以器為喻晉侯作

二軍晉本一軍見莊十六年公將上軍大子申生將下

軍趙夙御戎畢萬為右為公御右也夙趙襄兄畢萬魏犢祖父疏



注為公至祖父 正義曰史記趙世家夙生共孟孟生趙衰晉語云趙衰先君之戎御趙夙之弟也杜以夙為衰兄從晉語也魏世家畢萬生武子世本畢萬生芒季季生武仲州州即驪也杜以萬為驪之祖父依世本也

以 滅耿滅霍滅魏 平陽皮氏縣東南有耿鄉永安縣東北有霍大山三國皆姬姓 還

為大子城曲沃賜趙夙耿賜畢萬魏以為

大夫士蒸為曰大子不得立矣分之都城而

位以卿先為之極又焉得立 位以卿謂將下軍 不

如逃之無使罪至為吳大伯不亦可乎 大

周大王之適子知其父欲立季歷故讓位而適吳 疏 注大伯至適吳 正義曰史記吳世家云吳大伯弟

春秋正義十

四

許成之

仲雍皆周大王之子而王季歷之兄也季歷賢而有聖子昌大王欲立季歷以及昌於是大伯仲雍二人乃奔荆蠻

以辟季歷季歷果立是為王 猶有令名與其及也

季是大伯讓位適吳之事 言雖去猶有令名 猶有至及也 正義曰言逃雖失勝於留而及禍 國猶有善名與其留而及禍也何

者為勝勸 且諺曰心苟無瑕何恤乎無家天

之使逃 若祚大子其無咎日乎 為晉殺申生傳 卜偃曰畢萬



之後必大 卜偃晉掌 萬盈數也魏大名也



疏 萬盈至名也 正義曰以算法從一至萬每十則改名至萬以後稱一萬十萬百萬千萬萬萬始名億從

是以往皆以萬為極是至萬則數滿也論 語云巍巍乎其有成功是魏為高大之名 以是始賞


天啓之矣天子曰兆民諸侯曰萬民今名

之大以從盈數其必有衆以魏從萬有衆象初畢萬

筮仕於晉遇屯  震下坎 之比  坤下坎 上屯

初九變  遇屯之比 正義曰震下坎上為屯說卦云而為比  震動也坎象云坎險也動而遇險有屯難之象坤下坎上為比說卦坎為水坤為地水潤下而地受之相親比之象也

辛廖占之曰吉

辛廖晉大夫  注辛廖晉大夫 正義曰杜云辛廖晉大夫則以畢萬筮仕在晉國而筮劉炫云若在晉國而筮何得云筮仕於晉又辛甲辛有並是周人何故辛廖獨為晉大夫今知不然者傳以畢萬是畢國子孫今乃筮仕於晉言於晉以對畢耳非謂筮時在他國也案昭十五年傳云及辛有之二子董之晉於是乎有董史注云辛

有周人二子適晉為大史則辛氏雖出於周枝流於晉劉炫用服氏之說以為畢萬在周筮仕於晉又以晉國不得有姓辛而規杜

屯固比入言孰大焉其必蕃

屯險難所以為堅固 震為土 震變 車從馬

比親密所以得入 震為土 震變 車從馬

震為車  注震為車坤為馬 正義曰晉語云司空季子占公子重耳之筮云震車也坤象云利牝

坤為馬  子占公子重耳之筮云震車也坤象云利牝

馬之貞是坤為馬也下注震為足震為長男坤為母坤為衆皆說卦文也 足居之 震為足

長之 震為長男 母覆之 坤為母 衆歸之 坤為衆 六體

不易 初一爻變有此六義不可易也 合而能固安而能殺公

侯之卦也 比合屯固坤安震殺故曰公侯之卦  注比合至之卦 正義曰震之為殺傳無

明文晉語云震車也車有威武昭二十五年傳云為刑罰威獄以類其震曜殺戮是震為威武殺戮之意故震為殺

也公侯之子孫必復其始萬畢公高之後傳為魏之子孫衆多張本

**疏**必復其始正義曰萬是畢公之後公侯之子孫必當復其初始言此人子孫又將為公侯也及春秋之後三家分晉而魏為諸侯是其筮之驗也

經二年春王正月齊人遷陽無傳陽國名蓋齊人偪徙之

**疏**注陽國至徙之 正義曰世本無有陽國不知何姓杜出族譜土地名闕不知所在與宋人遷宿文同知

陽是國名蓋齊人偪遷之夏五月乙酉吉禘于莊公三年喪畢

致新死者之主於廟廟之遠主當遷入禘因是大祭以審昭穆謂之禘莊公喪制未闋時別立廟廟成而吉祭又不

春秋三義一

六

卓定方

於大廟故詳**疏**注三年至示譏 正義曰僖三十三年書以示譏 傳曰凡君薨卒哭而祔祔而作主特祀

於主丞嘗禘於廟禘祀為吉祭說喪事而言禘知禘是喪終而吉祭也襄十五年晉悼公卒十六年傳稱晉人答穆

叔云以寡君之未禘祀知三年喪畢乃為禘也喪畢而為禘祭知致新死之主於廟也新主入廟則遠主當遷知其

遷入禘者祭法云天子七廟有二禘則禘是遠祖廟也周禮守禘掌守先王先公之廟禘其遺衣服藏焉廟之遠主

其廟既遷主無所處固當遷入禘也鄭玄以二禘為文王武王之廟遷主入廟當各從其班穆入文禘昭入武禘禮

諸侯五廟更無別禘則當謂大祖之廟為禘也遠主初始入禘新死之主又當與先君相接故禮因是而為大祭以

審序昭穆故謂之禘禘者諦也言使昭穆之次審諦而不亂也莊公以其三十二年八月薨至此年五月唯二十二

月故喪制未闋也公羊傳曰其言于莊公何未可以稱宮廟也曷為未可以稱宮廟在三年之中矣三年之中未得

以禮遷廟而特云莊公知為莊公別立廟廟成而吉祭也  
僖八年禘于大廟文二年大事于大廟宣八年有事于大  
廟彼言大事有事亦禘祭也則禘禮必于大廟今未可以  
吉祭而為吉祭又不于大廟故詳書以示譏也既云吉禘  
又云于莊公 **秋八月辛丑公薨** 實弒書薨又不  
地者皆史策諱  
是其詳也

之 **九月夫人姜氏孫于邾** 哀姜外淫故  
孫稱姜氏 **疏** 注哀

姜至姜氏 正義曰此決莊元年夫人孫于齊不稱姜氏  
也賈服之說皆以為文姜殺夫罪重故去姜氏哀姜殺子  
罪輕故不去姜氏故杜為此言以 **公子慶父出奔**  
異之言外淫者謂與外姓為淫

**莒** 弒閔 **冬齊高子來盟** 無傳蓋高侯也齊侯使  
來平魯亂僖公新立因

遂結盟故不稱使也魯人貴 **疏** 注蓋高至美稱  
正義  
之故不書名子男子之美稱 日莊二十二年及齊高

春秋正義

七

觀音

侯盟于防自爾以來不見經傳故云蓋高侯也往年仲孫  
湫勸齊侯使寧魯難今而高子適魯知齊侯使來平魯亂  
也當齊侯初命高子之時慶父未出僖公未立及其至魯  
值僖公新立因遂與魯結盟而立之不云齊侯使者盟非  
齊侯之命故不稱使也齊侯不使之盟而高子輒為盟者  
齊侯使之來平魯亂新君既立遂盟而安之亦足稱齊侯  
之意其盟非專擅也魯人不能自安高子盟以安之魯人  
貴之故不書其名子者男子之美稱故呼之曰高子穀梁  
傳曰其曰來喜之也其曰高子貴之也盟立僖公也然則  
盟立僖公必僖公共盟不言公及齊高子盟者桓十四年  
鄭伯使其弟語來盟文十五年宋華孫來盟皆不言公及  
則不書公者春秋之常也晉荀庚衛孫良夫並為來聘既  
行聘禮更與公盟非是直為 **十有二月狄入衛** 書  
盟來故聘後別言及耳

不能有其地例 **鄭奔其師** 高克見惡久不得還師  
潰而克奔陳故克狀其  
在襄十三年

事以告

**疏**

注高克至魯也

正義曰此事詩序具焉大

魯也 夫出奔多是本國來告傳稱晉侯使以殺大子申生之故來告又衛殺孔達告於諸侯是其本國告也宣十年傳例曰凡諸侯之大夫違告於諸侯曰某氏之守臣某失守宗廟敢告是大夫私家之告辭昭二十六年王子朝奔楚傳稱告于諸侯是奔者自告也此鄭文公心惡高克而欲得遠之克既奔陳無罪可告故杜以為高克自狀其事以告魯魯史以為克若將師出奔是為奔師之道不書高克出奔而書鄭棄其師者案詩序云公子素惡高克進之不以禮文公退之不以道危國亡師之本是棄其師也穀梁傳曰鄭棄其師惡其長也兼不及其眾則是棄其師也

傳二年春號公敗犬戎于渭汭

犬戎西戎別在中國者渭

水出隴西東入河

**疏**

注犬戎至曰汭

正義曰西方曰

水之隈

曲曰汭

戎知犬戎是西戎別在中國者也

八

朱漢

釋例曰渭水出隴西狄道縣鳥鼠同穴山東經南安天水洛陽扶風始平京兆至弘農華陰縣入河釋丘云隩隈厓內為隩外為隈李廵曰厓內近水為隩孫炎云內隈曲裏也彼雖不言汭汭即隩也而汭字以內為聲明是水之隈曲之內也 舟之僑曰無德而祿殃也殃將至矣

遂奔晉

舟之僑 號大夫

夏吉禘于莊公速也初公

傅奪卜齋田公不禁

卜齋魯大夫也公即位年八歲知愛其傅而遂成其

意以奪齋田齋忿其傅

**疏**

注卜齋至因之

正義曰莊公三十二年注云閔公於是

年八歲此云即位年八歲者閔公之年歲傳文不明服虔於莊三十二年注云閔公於是年九歲於此注云公即位時年九歲僖二年注云閔公死時年九歲杜知其不可故於莊公之末注言年八歲以異之嗣子位定於初喪言即

位者亦謂初  
立之年也 秋八月辛丑共仲使卜齋賊父

于武闈 宮中小門 謂之闈 疏 注宮中小門謂之闈 正義曰釋名云宮中之門謂之闈

其小者謂之閨小閨謂之閤彼就小門之內更別以為二名大率宮中之門皆小故云宮中小門也名之曰武則其

義未 成季以僖公適邾 僖公閔公庶兄成風之子 共仲奔

莒乃入立之以賂求共仲于莒莒人歸之

及密使公子魚請 魯地琅邪費縣北有密地 不許

哭而往共仲曰奚斯之孽也乃縊 慶父之罪雖重季子

推親親之恩欲同之叔牙存孟氏之族故略其罪不書殺又不書卒 正義曰叔牙云慶

父材者始有寘慶父之心本其惡未幾見故季子隱之而書其卒若自死然慶父弑二君其罪已重書其卒當書其誅

殺季子推親親之恩欲同之叔牙存孟氏之族故略其罪不書殺也又不可全同叔牙故又不書卒 子孫終為

孟氏是季子推親親之恩枉正法耳 閔公哀姜之姊也姜之子也

故齊人立之共仲通於哀姜哀姜欲立之

閔公之死也哀姜與知之故孫于邾齊人

取而殺之于夷以其尸歸 為僖元年齊人殺哀姜傳夷魯地 僖

公請而葬之 哀姜之罪已重而僖公請其喪還者外欲固齊以居厚内存母子不絕之義為

國家之 成季之將生也相公使卜楚丘之

大計

父卜之上楚丘魯曰男也其名曰友在公之

右在右言間于兩社為公室輔兩社周社亳

朝廷執疏注兩社至所在正義曰王者取五色之土

茅賜之使立國社魯是周之諸侯故國社謂之周社哀四

年亳社災是魯國有亳社穀梁傳曰亳社者亳之社也亳

亡國也亡國之社以為廟屏戒也則亳社在宗廟之前也

周禮小宗伯掌建國之神位右社稷左宗廟則諸侯亦當

然定二年雉門及兩觀災則兩觀在雉門外也禮運云昔

者仲尼與於蜡賓事畢出遊於觀之上蜡祭在廟故出廟

而遊於觀也由此言之宗廟社稷在雉門之外分左右廂

也鄭玄考校禮文以為魯制三門庫雉路天子諸侯皆三


朝圖宗人之嘉事則有路寢庭朝日出視朝則在路門之

外其詢國危詢國遷詢立君周禮朝士所掌外朝之位者

乃在雉門之外耳雉門之外左有亳社右有周社間于兩

社是在兩社之間朝廷詢謀大事則在此處是執政之所

在季氏亡則魯不昌疏正義曰服虔云謂季友




春秋正義十

十

李光祖

又筮之遇大有



乾下離

之乾



乾下乾

曰同復于父敬如君所

筮者之辭也

變為乾故曰同復



注筮者至君同

正義曰此雖六

卦意自為其辭也離是乾子還變為乾故云同復于父

言其尊與父同也國人敬之其敬如君之處所言其貴

與君同也說卦乾為君父言其身之尊則云同復于父言其為人所敬則云敬如君所屬意異故分為二也

及生有文在其手曰友遂以命之遂以冬為名

十二月狄人伐衛衛懿公好鶴正義曰陸璣毛

詩義疏云鶴形狀大如鵝長脚青翼高三赤餘赤目赤頰喙長四寸餘多純白或有蒼色蒼色者今人謂之赤頰常

夜半鳴故淮南子曰雞知將旦鶴知夜半其鳴高亮聞八九里雌者聲差下今吳人園囿中及士大夫家皆養之

鶴有乘軒者軒大夫車也**疏**注軒大夫車正義曰定十三年傳稱齊侯斂諸大夫之

軒故杜云軒大夫車也服虔云車有藩曰軒將戰國人受甲者皆曰

使鶴鶴實有祿位余焉能戰公與石祁子

春秋正義十一

十一

李光祖

玦與甯莊子矢使守莊子甯速也玦玉玦曰以此贊國

擇利而為之贊助也玦示以當決斷矢示以禦難與夫人繡衣曰

聽於二子取其文章順序渠孔御戎子伯為右黃夷

前驅孔嬰齊殿傳言衛侯失民有素雖臨事而戒猶無所及及狄人

戰于熒澤衛師敗績遂滅衛此熒澤當在河北君死國散經不書

滅者狄不能赴衛之君臣皆盡無復文告齊相為之告諸侯言狄已去言衛之存故但以入為文**疏**注

澤當在河北正義曰禹貢豫州滎波既猪導沅水入于河溢為滎在河南此時衛都河北為狄所敗乃東徙渡河

故知此熒澤當在河北但沅水入河乃泆被河南多故專得滎名其北雖少亦稱滎也衛侯不



去其旗是以甚敗狄人囚史華龍滑與禮

孔以逐衛人二人曰我大史也實掌其祭

不先國不可得也夷狄畏鬼故恐言當先白神乃先之至則

告守曰不可待也守石甯二大夫夜與國人出狄

入衛遂從之又敗諸河衛將東走渡河狄復逐而敗之初惠

公之即位也少蓋年十五六**疏**注蓋年十五六正義曰衛宣公以隱四年立

相十二年卒終始二十年耳即位之後乃納急子之妻生壽及朔朔既有兄知其蓋年十五六耳齊人

使昭伯丞於宣姜不可強之昭伯惠公庶兄宣公子頑也昭伯不

可生齊子戴公文公宋栢夫人許穆夫人

文公為衛之多患也先適齊及敗宋栢公

逆諸河迎衛敗衆宵濟夜渡畏狄衛之遺民男女七

百有三十人益之以共勝之民為五千人

共及滕衛別邑立戴公以廬于曹廬舍也曹衛下邑戴公名甲立其年卒而

立文**疏**注廬舍至文公正義曰周禮秋官野廬氏掌

廬有飲食是廬為舍也廬于曹者言隨宜寄舍耳曹邑雖

闕不知其處當在河東近楚丘也戴公名申世本世家文

經傳皆云十二月狄入衛衛人東徙渡河收集離散乃立

一年卒者滅而復興不是嗣位故成喪為謚文公繼世而立明年始為元年故戴公雖復日少亦稱一年年表亦以此年為戴公元年今許穆夫人賦載馳載馳詩衛風也許穆

定本云以其年卒齊侯使公子無虧帥車夫人痛衛之亡思歸唁之不可故作詩以言志

三百乘甲士三千人以成曹無虧齊桓公子武孟也車甲之賦異

於常故傳歸公乘馬祭服五稱牛羊豕雞狗別見之

皆三百與朋材歸遺也四馬曰乘衣單複具曰稱門材使先立門戶

門戶正義曰歸者不反之辭故為遺也周禮校人云乘馬一師四圍圍養一馬故云四馬曰乘以乘車并師五人

必駕四馬故也喪大記曰袍必有表不禫衣必有裳謂之一稱是衣禫複具曰稱歸夫人魚

五十五 春秋正義 十三 王受

軒魚軒夫人車注魚軒至為飾正義曰詩云象以魚皮為飾

皮可以飾器物者唯魚獸耳故云以魚皮為飾陸機毛詩義疏云魚獸似猪東海有之其皮背上有班文腹下有純

青今人以為弓韃步又者也其皮雖乾燥為弓韃矢服經年海水將潮及天陰毛皆起水潮還及晴則毛復如故雖

在數千里外可以知重飾三十兩以錦錦之熟細者海水之潮自相感也

兩三十兩注重錦至匹也正曰云服虔云重牢也疏杜以其遺夫人貴美不貴牢故以為錦之

三十四匹也孰細者雜記曰納幣一束束五兩兩五尋八尺曰尋則五尋四丈謂之兩者分為兩段故也謂之匹者兩兩合卷若

匹偶然也鄭人惡高克使帥師次于河上久而

弗召師潰而歸高克奔陳高克鄭大夫也好利而不顧其君文公惡

之而不能遠故清人詩鄭風使帥師而不召也刺文公退鄭人為之賦清人

臣不以道危晉侯使太子申生伐東山臯落國亡師之本

氏赤狄別種也疏注赤狄至氏族 正義曰狄有赤 臯落其氏族 狄白狄成十三年傳晉侯使呂相

絕秦云白狄及君同州則白狄與秦相近當在晉西此云 東山當在晉東宣十五年晉師滅赤狄潞氏潞則上黨潞 縣在晉之東此云伐東山臯落氏知此亦在晉東是 赤狄別種也臯落其氏族也此族之人狄之渠帥也里

克諫曰天子奉冢祀社稷之粢盛里克晉大 夫冢大也

以朝夕視君膳者也膳厨 膳疏注膳厨膳 正義 曰鄭立膳夫注云

膳之言善也今時美物曰珍膳是膳者美食之名厨者造 食之處故云膳厨膳也禮記云文王之為世子食上必在 然後退是天子朝夕視君膳者也故曰冢子君行

則守有守則從從曰撫軍守曰監國古之

制也夫帥師專行謀帥師者必 專謀軍事誓軍旅宜號 令也

君與國政之所圖也非天子之事也國政 正卿

師在制命而已命將軍 所制稟命則不威專命則

不孝故君之嗣適不可以帥師君失其官

帥師不威將焉用之天子統師是失其官也專命 則不孝是為帥必不威也

且臣聞臯落氏將戰君其舍之公曰寡人

有子未知其誰立焉不對而退見大子大

子曰吾其廢乎對曰告之以臨民謂居教

之以軍旅謂將不共是懼何故廢乎

**疏**

對曰告之至廢乎 正義曰克謂大子還曲沃告百姓以臨示下民之事并教之軍旅之法不共是二事為懼矣何

故憂其廢乎且子懼不孝無懼弗得立脩己而不

責人則免於難大子帥師公衣之偏衣偏

左右異色其半似公服 **疏** 注偏衣至公服 正義曰下云服其身

色也又云衣身之偏言公以身衣之偏半衣大子知其半似公服也 佩之金玦以金狐

卷四

十五

宋瑜

突御戎先友為右狄突伯行重耳外祖父也為申生御申生以大子將上軍梁餘

子養御罕夷先丹木為右罕夷晉下軍卿也梁餘子養為罕夷御羊

舌大夫為尉羊舌大夫叔向祖父也尉軍尉先友曰衣身之偏

偏半也握兵之要謂佩金玦將上軍在此行也子其勉之

偏躬無慝分身衣之半非惡意也 兵要遠災威權在己可以遠害 親

以無災又何患焉狐突歎曰時事之徵也歎

先友為不知君心 衣身之章也章貴賤 佩衷之旗也旗表

以表明 故敬其事則命以始賞以春夏 服其身則衣之

純必以純色為服用其衷則佩之度衷中也佩王者士君子常度

今命以時卒閔其事也冬十二月闕盡之時衣之龙

服遠其躬也龙雜色佩以金玦弃其衷也服

以遠之時以闕之龙凉冬殺金寒玦離胡

可恃也寒凉殺離言無温潤玦如環而缺不連雖欲勉之狄可盡

乎梁餘子養曰帥師者受命於廟受脤於

社脤宜社之肉盛以脤器有常服矣不獲而龙命可知

也韋弁服軍之常也龙偏衣死而不孝不如逃之罕夷曰

手科

十六

李光

龙竒無常雜色竒怪非常之服金玦不復雖復何為君

有心矣有害六子之心先丹木曰是服也狂夫阻之

阻疑也言雖狂夫猶知有疑曰盡敵而反曰公辭敵可盡乎雖盡

敵猶有内讒不如違之違去也狐突欲行行亦去也

羊舌大夫曰不可違命不孝弃事不忠雖

知其寒惡不可取子其死之寒薄也**疏**狐突至死之

正義曰傳之上下諸言某御戎某為右者謂國君自將此大子亦然者攝君之事故與君同文也傳歷言將帥御右者以下各有言故此舉其目先友不知君有害大子之心故推此衣佩以為善事勸之狐突歎先友不知君意乃擗

言時衣佩三者反覆以答之罕夷唯舉服佩二事故云有  
奇無常金玦不復也其梁餘子養先丹木唯言服舉其重  
者故子養云不獲而老命可知也先丹木云是服也狂夫  
阻之是皆勸大子之行也狐突以衆言同已故決意欲行  
羊舌大夫乃以忠孝之事勸之使留名以意之所見故其  
言或深或淺 注羊舌至軍尉 正義曰羊舌氏也爵爲  
大夫號曰羊舌大夫不知其名何也此人生羊舌職職生  
叔向故爲叔向祖父譜云羊舌氏晉之公族羊舌其所食  
邑也或曰羊舌氏姓李名果有人盜羊而遺其頭不敢不  
受受而埋之後盜羊事發辭連李氏李氏搯羊頭而示之  
以明己不食唯識其舌舌存得免號曰羊舌氏也或曰者  
不知誰爲此言杜所不從記異聞耳 服以至情也 正  
義曰服以遠之覆上衣之老服也時以闕之覆上命以時  
卒也上先時後服此先服後時者以下連老涼冬殺之文  
又欲使冬殺與金寒相近冬殺是時故退之在下言老涼  
則申上衣之老服也冬殺則申上命以時卒也老涼據服

春

十七

李光

冬殺據時耳金寒玦離申上佩以金玦也金是秋之寒氣  
故言金寒也 注服宜至服器 正義曰釋天云起大事  
動大衆必先有事乎社而後出謂之宜知出兵必祭社祭  
社名爲宜周禮大宗伯以服膳之禮親兄弟之國定十四  
年天王使石尚來歸服知服是器物可執之以賜人也今  
言受服於社明是祭社之肉盛以服器賜元帥也地官掌  
蜃祭祀共蜃器之蜃鄭玄云蜃夫蛤蜊之器以蜃飾因名焉  
注阻疑也 正義曰劉炫云阻疑以意訓耳今言猶云阻疑  
是阻得爲疑也言雖狂夫猶知於此服有疑也服虔云阻止  
也方相之士蒙玄衣朱裳主索室中歐疫號之爲狂夫止此  
服言君與大子以狂夫所止之服衣之晉語云且是之衣也  
狂夫阻之衣也韋昭云狂夫方相氏之士也阻古詛字也將  
服是衣必先詛之是由無正訓各以意解劉以爲方相氏狂  
夫所服玄衣朱裳左右同色不得爲偏衣也當服此衣非是  
意所止也詛乃服之文無所出故杜別爲此解 注曰公辭  
正義曰言公辭者當以公賜之偏衣金玦推其義理原公

之意而為之作辭非  
公出言作此辭也  
天子將戰狐突諫曰不可

昔辛伯諗周桓公  
諗告也事在桓十八年  
云內寵並后

外寵二政嬖子配適大都耦國亂之本也

周公弗從故及於難今亂本成矣  
驪姬為內寵二五為

外寵奚齊為嬖子曲沃為大都故曰亂本成  
立可必乎  
**疏**  
注驪姬至本成正義曰

辛伯之語先有成文其內寵之徒不為晉發故劉炫云二五嬖賤不得為二政天子不以曲沃作亂不得為大都而

杜云驪姬為內寵二五為外寵奚齊為嬖子曲沃為大都者今刪定以為辛伯之言雖不為晉要晉國之亂事理相

當故杜以事託之二五為耦墾傷晉室曲沃疆大大子奔之又築屈與蒲終為禍難但此據天子故以曲沃為文劉

卷四

十八

楊永

君不達此旨而為規過違傳意也  
孝而安民子其圖之  
奉身為孝不戰為安

與其危身以速罪也  
有功益見害故言孰與危身以召罪  
**疏**

孝而至罪也  
正義曰去則孝而安民留則危身召罪也  
成

風聞成季之繇乃事之  
成風莊公之妾僖公之母也繇卦北之占辭  
而

屬僖公焉故成季立之僖之元年齊桓公

遷邢于夷儀二年封衛于楚丘邢遷如歸

衛國忘亡  
忘其滅亡之困  
衛文公大布之衣大帛之

冠  
大布麤布大帛厚繒蓋用諸侯諒闇之服  
務材訓農通商惠工  
加惠

於百工賞其利器用

敬教勸學授方任能

方百事之宜也

**疏**

材務

至任能 正義曰務材務在植材用也訓農訓民勤農業也通商通商販之路令貨利往來也惠工加恩惠於百工賞其利器用也敬教敬民五教也勸學勸民學問也授方授民以事皆有方法也任能其所委任信用能人也

元

年革車三十乘季年乃三百乘

衛文公以此年冬立齊桓

公始平魯亂故傳因言齊之所以霸衛之所由興革車兵車季年在僖二十五年蓋招懷迸散故能致十倍之衆

春秋正義卷第十







